

四庫全書

史部

# 欽定四庫全書

史部

續後漢書卷八十五  
至六下

詳校官編修臣黃壽齡

編修臣裴謙覆勘

膳錄監生臣任以依

膳錄監生臣楊以雲

欽定四庫全書

續後漢書卷

八十五

元

郝經

撰

錄第三

疆理

漢

益

魏

司隸

八郡

豫州

九郡

冀州

十一郡

兖州

八郡

徐州

五郡

青州

六郡

幽州

十二郡

并州

五郡

涼州

八郡

秦州

三郡

荊州

六郡

揚州

二郡

吳

揚州

十四郡

荊州

十五郡

交州

八郡

廣州

七郡

固陰融結地勢崛阜夷險相形呀互限帶自為區宇先

王因物制宜分土畫埜始得百里之國萬區

原注古史黃帝旁行

天下方制萬里畫埜分州得百里之國

堯遭水厄使禹

治之別為九州

原注冀豫兗青徐揚荊雍梁

以則井制

原注井九百畝別為九州



象一舜分為十二州原注分冀為并以當辰分原注當

井也幽分青為營之分逮禹傳世復為九州仍建萬國原注左氏傳禹會

野也諸侯於塗山執王萬國帛者商人因之國漸并省而有三千周有天下合徐於

青合梁於雍分冀為幽并亦為九州建千八百國焉周

衰列國兼并為百二十國原注按春秋左氏傳自周外

魯晉蔡衛曹燕鄭齊楚秦宋陳十二國有爵姓年世不

可考者吳越杞許莒邾小邾滕薛虞虢邢紀邾南燕鄧宿

東號唐賈為隨梁徐郕沈妘胡郕夔巴淳于郕穀滑舒

舒鳩須句頓郟黎偃陽葛郕凡祭原息四十八國有爵

無姓者譚溫萊弦賴康宗鍾吾八國有姓無爵者蕭羅

夷管申共向極戴魏韓耿霍貳絞州軫六蓼黃崇英氏

欽定四庫全書

列傳卷八十五

三

顯更任邳焦楊舒庸鄆二十九國爵姓俱無者遂鄆陽  
江舒蓼權冀道柏厲鄆項郭牟鄆巢相介如蓼鑄鄆  
於餘丘郭邳州來房密郝二不羹三十三國共一百  
二十國又引用前代諸國四十八夷狄諸種三十四  
又

為十二國

原注即魯晉等國會盟者

又為七國

原注燕趙韓魏齊楚秦也

卒皆折

入于秦先王之國盡而州廢為郡矣漢興復國諸侯王  
地與郡犬牙相制禍成七國國漸除而為郡矣東漢末  
天下別為三國漢祇得益州魏有豫冀兗青徐幽并涼  
州吳有荆揚交州各以國統州而畫疆理焉初禹別九  
州量民物之數均井地之制舍名山大川索平土為經

界故河濟海岱相去不千里而為兗徐荆河千里而贏  
海岱千里而縮而為豫青荆衡二千里而遙東海西河  
二千里而近為荆冀北淮南海相去逾六千里而為揚  
西河黑水相去四千里而為雍華陽黑水綿亘數千里  
不知其所經限為梁蓋徐兗青豫冀土衍民夥千里一  
瞬號稱中原井地多而州近荆揚梁雍重險複阻大山  
深谷之間民不可居地不可井故經界曠而州遠然自  
周室東遷中原多故海岱河濟之間號為戰場秦楚吳

越據雍梁荆揚之險又暇逸而日趨富强耕山耨水民  
物滋殖更霸迭王六七百年雄視諸夏卒為秦有及楚  
漢劇關孝武窮兵至中興之際中原民物盡梁益荆揚  
自若也三國兵爭諸僭皆起中原劉焉據蜀劉表據荆  
孫權據吳又暇逸者二十餘年故諸葛亮言於昭烈曰  
孫氏據有江東國險民附益州天府沃野千里荆州北  
據漢沔利盡南海東連吳會西通巴蜀用武之國故昭  
烈卒取益州而孫權終有荆州各立國以圖操漢鄺靈

關包玉壘帶二江夾岷峨

原注見左思蜀都賦

控涼隴跨牂牁枕

交趾出師祁山從天而下吳鍵淮海吞江漢蔽重嶺引

甌越浸南溟截葉數州之內灌注天下之半泛舟江湖

犄角而進魏人雖中原漢吳亦敵國也至使操棄漢中

而不敢西顧曹丕再觀兵廣陵謂天限南北歎咤而去

漢雖為正統吳雖有霸才亦地勢資之也故別其界限

與其州郡廢置為疆理錄以繼前史地理郡國凡歷代

因革土風物產貢數賦藝道理戶口川藪山鎮前史具

載故不復錄云

冀州

原注十一郡  
漢九 魏二

冀州禹貢河內之域建安十七年曹操自領州牧割河  
內之蕩陰朝歌林盧東郡之衛國頓丘東武陽發干鉅  
鹿之廩陶曲陽南和廣平之廣平任城趙國之襄國邯  
鄲易陽以益魏郡十八年分魏郡為東西部置左右都  
尉曹丕篡代以魏郡東部為陽平西部為廣平云

魏郡

原注漢  
置縣八

鄴

長樂

魏

斥丘

安陽

蕩陰

內黃 黎陽

鉅鹿郡

原注漢置縣二

廩陶

鉅鹿

廣平郡

原注魏置縣十五

廣平

邯鄲

易陽

武安

涉

襄國 南和 任 曲梁 列人 肥鄉

臨水 廣年 斥漳 平恩

陽平郡

原注魏置縣七

元城

館陶

清泉

發干

東武陽 陽平 樂平

趙國

原注漢置縣九

房子

元氏

平棘

高邑

中丘

柏人 平鄉 下曲陽 鄆

常山國

原注漢置縣八

真定 石邑 井陘 上曲陽

蒲吾 南行唐 靈壽 九門

中山國

原注漢置縣八

盧奴 魏昌 新市 安喜 蒲陰

望都 唐 北平

安平國

原注漢置縣十二

信都 下博 武邑 武遂

觀津 扶柳 廣宗 經 安平 饒陽

南深澤 安國



勃海郡

原注漢置縣十四

南皮 東光 浮陽 饒安

高城 重合 東安陵 修 廣川 阜城

東平舒 文安 章武 東州

河間國

原注漢置縣十

樂成 武垣 鄭 易城 中水

成平 博陸 高陽 北新城 蠡吾

清河國

原注漢置縣六

清河 東武城 繹幕 貝丘 靈

鄒

徐州

原注五郡皆故漢郡

徐州禹貢海岱及淮之域建安三年曹操分琅邪東海  
北海為城陽利城昌慮郡十一年割東海之襄贛剡戚  
以益琅邪省昌慮郡後三郡皆省

彭城國

原注漢置縣七

彭城

留

廣戚

傅陽

武原

呂梧

下邳國

原注漢置縣十七

下邳

凌

良城

睢陵

夏丘

取慮

僮

盱眙

東陽

高山

贅其

潘旌

高郵

淮陵

司吾

下相

徐

東海郡

原注漢置  
縣十二

剡 戚 祝其 朐 襄贛

利城

贛榆 原丘 蘭陵 承 昌慮

合鄉

琅邪國

原注漢置  
縣十七

開陽 臨沂 陽都 繒 即丘

華 費 東安 蒙陰 東莞 朱虛 營陵

安丘 蓋 臨朐 劇 廣

廣陵郡

原注漢  
置縣八

淮陰 射陽 興 海陽 廣陵

鹽漬 淮浦 江都

青州

原注六郡  
皆漢故郡

青州禹貢海岱之域舜以越海分為營州至漢為遼東諸郡隸幽州青龍二年省漁陽郡之胡奴縣復置安樂縣曹芳正始元年以遼東沓水吏民渡海居齊郡之西臨淄昌國縣界為新汶南豐縣以居之

齊國

原注漢置縣五

臨淄 西安 東安平 廣饒 昌國

平原國

原注漢置縣十四

平原 高唐 荏平 博平

聊城 安德 西平昌 般 鬲 厭次

陽信 漯沃 新樂 樂陵

濟南郡

原注漢置縣五

平壽 下密 膠東 即墨 祝阿

樂安國

原注漢置縣八

高苑 臨濟 博昌 利益 蓼城

鄒 壽光 東朝陽

陽城郡

原注漢置縣十

莒 姑幕 諸 昌安 淳于

東武 高密 壯武 黔陬 平昌

東萊國

原注漢置縣九

掖 當利 盧鄉 曲城 黃 恆

不其 長廣 挺

涼州

原注八郡  
漢七魏一

涼州禹貢雍州黑水西河之域漢既以雍州之京兆等郡隸司隸故別置涼州以統雍州之郡獻帝時曹操復置雍州三輔西域皆屬焉又以張掖屬國為西海郡曹丕篡代仍以三輔隸司隸分河西為涼州隴右為秦州涼州刺史領戍已校尉護西域如漢故事後又別置雍州刺史

金城郡

原注漢置縣九

榆中

允街

金城

白土

浩亶

西都 臨羌 長寧 安夷

安定郡

原注漢置縣七

臨涇

朝那

烏氏

都盧

鶉觚

陰密 西川

北地郡

原注漢置縣二

泥陽

富平

武威郡

原注漢置縣七

姑臧

宣威

揖次

蒼松

顯美

驪軒 番和

張掖郡

原注漢置縣八

永平

臨澤

屋蘭

日勒

刪丹

仙提 萬歲 蘭池

酒泉郡

原註漢置縣九

福祿

會水

安彌

駢馬

樂涇

表氏

延壽

玉門

沙頭

燉煌郡

原註漢置縣十二

昌蒲

燉煌

龍勒

陽關

效穀

廣至

宜禾

宜安

深泉

伊吾

新鄉

乾齊

西海郡

原註魏置縣一

居延

揚州

原註二郡皆漢故郡

揚州禹貢淮海之域魏得廬江九江之地自合肥北至



壽春置揚州刺史

九江郡

原注漢置縣十六

壽春 成德 下蔡 義城

西曲陽

平阿

歷陽

全椒

阜陵

鍾離

合肥

逡道

陰陵

當塗

東城

烏江

廬江郡

原注漢置縣十

陽泉

舒

潏

皖

尋陽

居巢

臨湖

襄安

龍舒

六

吳揚州

原注十四郡漢四吳十

獻帝興平中孫策分豫章置廬陵其

後孫權又分豫章置鄱陽分丹陽置新都孫亮分豫章

東部置臨川分會稽東部置臨海孫休又分會稽南部  
置建安孫皓又分會稽置東陽分丹陽置吳興分豫  
章廬陵長沙置安成分廬江置廬陵南部都尉初孫權  
自吳徙丹徒又徙秣陵更號建業而都之是吳揚州

丹陽郡

原注漢置  
縣二十二

建業

江寧

丹陽

于湖

蕪湖

永世

溧陽

江乘

句容

湖熟

秣陵

宛陵

宣城

陵陽

安吳

臨城

石城

涇

春穀

廣德

寧國

懷安

新都郡

原注吳置縣六

始新

遂安

黟

歙

海寧

黎陽

吳郡

原注漢置縣十一

吳

嘉興

海鹽

鹽官

錢唐

富陽

桐廬

建德

壽昌

海虞

婁

吳興郡

原注吳置縣十

烏程

臨安

餘杭

武康

東遷

於潛

故鄣

安吉

原鄉

長城

會稽郡

原注漢置縣十七

山陰

上虞

餘姚

句章

鄞

鄮

始寧

剡

永興

諸暨

丹徒

曲阿

武進 延陵 毗陵 既陽 無錫

東陽郡原注吳置縣九 長山 永康 烏傷 吳寧 太末

信安 豐安 定陽 遂昌

臨海郡原注吳置縣八 章安 臨海 始豐 永寧 寧海

松陽 安固 橫陽

建安郡原注吳置縣十五 建安 吳興 東平 建陽

將樂 邵武 延平 原豐 新羅 宛平

同安 侯官 羅江 晉安 溫麻

豫章郡

原注漢置縣十六

南昌 海昏 新淦 建城

望蔡 永脩 建昌 吳平 豫章 彭澤

艾 康樂 豐城 新吳 宜豐 鍾陵

廬陵郡

原注吳置縣十

西昌 高昌 石陽 巴丘 南野

東昌 遂興 吉陽 興平 陽豐

鄱陽郡

原注吳置縣八

廣晉 鄱陽 樂安 餘汙 鄡陽

歷陵 葛陽 晉興

臨川郡

原注吳置縣十

臨汝 西豐 南城 東興 南豐

永成 宜黃 安浦 西寧 新建

安成郡

原注吳置縣七

平都 宜春 新諭 永新 安復

萍鄉 廣興

廬陵南郡

原注吳置縣五

贛 雩都 平固 南康 揭揚

謹案疆理錄十七篇僅存冀徐青涼揚吳揚等

六州凡闕十一篇并闕議贊

欽定四庫全書

續後漢書卷八十六上

元 郝經 撰

錄第四上

職官

爵級 奉祿 車服 印綬 選舉 宰相

丞相  
太尉

御史大夫

三公

太師  
司徒

太傅

太保

將軍

大將軍

驃騎將軍

車騎將軍

衛將軍

左右諸將軍

使持節都督

雜號將軍

王者代天理物以人代天工賜之秩祿列於庶位官制

之所由興也太皞以龍名共工以水名炎帝以火名黃

帝以雲名少皞以鳥名雖異而職守一也

原注左氏傳鄭子

來朝昭子問焉曰少皞氏鳥名官何故也鄭子曰吾祖也我知之昔者黃帝氏以雲紀故為雲師而雲名炎帝氏以火紀故為火師而火名共工氏以水紀故為水師而水名太皞氏以龍紀故為龍師而龍名我高祖少皞擊之立也鳳鳥適至故至顓頊始以民事命官

原注左氏傳顓

頊以來不能紀遠乃紀於近為民師而命以民事

教民曰司徒治民曰司馬居

民曰司空禁民曰司寇餘各放事置官皆為民也唐虞

仍古封建稽古建官內有百揆四岳外有州牧侯伯夏



殷因唐虞周因夏殷封建益備職官益增唐虞百夏商

倍而周人三百有六十當其之日而不復增矣

原注百與倍之

名數不可考周有天下周公定官制修禮經采歷代職官繁省之制而折中之為天地春夏秋冬六官其屬凡

三百有六十今周禮是也

周衰封建之法漸壞秦楚吳越始不遵周

制原注秦始有不更庶長等爵楚有令尹連尹等官而滅國為縣而有縣公吳越僭王各用蠻夷之號

諸侯皆用王官

原注如魯衛晉鄭皆置六卿之類

又各置相尉守令將

軍大夫之屬而遂變周制

原注若蘇秦為國相許歷為國尉吳起守西河西門豹為

鄴令孫龐為魏將軍須賈為魏中大夫之類

秦并天下廢井田開阡陌罷侯

置守不復封建一用私意以趨功利盡去唐虞三代職官然而其制簡質方之戰國之時省千萬計漢因秦制歷高惠文景無大變革至孝武嘉唐虞樂殷周增益美名足厭其侈多故之際名號不一又變秦制有不逮夫始皇之初矣元成而後又雜用周人之名如司徒司空司馬等其實非周制職任皆秦故也

原注武帝更太尉為大司馬更御史

大夫為大司空哀帝更丞相為大司徒

偽莽篡代自以為周公復出乃依

放周制更置公卿大夫元士

原注漢書莽策命羣司置大司馬司允大司徒司直

大司空司若位皆孤卿更大司農曰羲和後更為納言大理曰作士太常曰秩宗大鴻臚曰典樂少府曰共工水衡都尉曰予虞與三公司卿凡九卿分屬三公每一卿置大夫三人一大夫置元士三人凡二十七大夫八十一元士更名秩百石曰庶士三百石曰下士四百石曰中士五百石曰命士六百石曰元士千石曰下大夫比二千石曰中大夫二千石曰卿 依放井田令天下公田口

井原注漢書更名天下田曰王田皆不得買賣田過一井者分餘田與九族鄰里依放封建授

諸侯茅土原注漢書諸公一同有衆萬戶土方百里侯伯一國衆戶五千土方七十里子男一則衆

戶二千五百土方五十里附城大者食邑九成衆戶又九百土方三十里自九以下降殺以兩至於一成

依放采地制祿視歲之豐凶增損原注漢書諸侯各食其同國則辟任附城

食其邑公卿大夫元士食其采歲而制度煩碎紛更不  
豐穰則充其禮有災害則有所損

已吏卒不得祿浚民為姦羣盜並起為漢大侈無封建  
之實慕古官之名故也漢祿用古官而亂莽一用古官  
而亡豈秦制之得古官卒不可復乎蓋封建未壞必用  
古官郡縣既置必用秦官秦官不能治古封建古官不  
能治秦郡縣理勢然也封建既不可復用秦官而名當其實  
不曠不濫不冗不侈清心省事大總其綱小持其要如漢初  
惠文之世亦可矣故光武中興并官省職費減億計隼

除新莽之偽裁樽武皇之侈復惠文之清淨本秦人之  
簡質於是漢官自為代典與三代比隆矣二漢官制有  
漢官儀百官公卿表百官志志其因革及漢與魏吳割  
裂封守其制復不同故據東漢制推本三代秦漢之初  
稽考魏吳沿革以訖於晉為之論次云

爵級

爵級之制自唐虞尚矣至周而後著之禮經自王而下  
諸侯之爵五等公侯伯子男其附於諸侯者曰附庸王

朝之臣爵公卿大夫士其執政者曰卿士諸侯之臣爵

孤卿卿大夫士小國則卿大夫士附庸之君有爵則有

大夫無爵則無大夫又有九命以等諸爵而加損焉

原注

周禮大宗伯以九儀之命正邦國一命受職再命受服三命受位四命

受器五命賜則原注謂八則也六命賜官七命賜國八命作牧

原注州九命作伯原注方伯凡受受之於王賜王賜之也作王命作之也故上公

九命侯伯七命子男五命王之三公八命其卿六命其

大夫四命及其出封皆加一等諸侯之適子誓于天子

攝其君則下其君之禮一等未誓則以皮帛繼子男公之孤卿四命以皮帛眡小國之君其卿三命其大夫再命其士一命侯伯之卿大夫士亦如之子男之卿再命其大夫一命其士不命

原注此皆大宗伯典命之制也

此周封建爵級

之制也秦人罷侯置守凡爵一級曰公士二上造三簪袅四不更五大夫六官大夫七公大夫八公乘九五大夫十左庶長十一右庶長十二左更十三中更十四右更十五少上造十六大上造十七駟車庶長十八大

庶長十九關內侯二十徹侯漢初因之以賞軍功一階

一級比次而進

原注漢書曹參傳豐反為魏攻之賜爵七大夫擊秦將先登遷五大夫將碭郡

兵封執帛號建成君遷戚公虜秦司馬及御史遷執主沛公為漢王封參為建成侯至漢中遷將軍擊三秦破之賜食邑於寧秦為將軍中尉還至滎陽拜假左丞相定魏地賜食邑平陽高祖以長子肥為齊王以參為相國與諸侯剖符賜爵列侯食邑平陽凡周樊灌滕等皆如此書蓋亦參用戰國諸爵秩天下既定

自諸侯王國外列侯百官皆以秦爵為差後復置鄉亭

等侯次列侯建安二十年曹操置名號至五大夫與舊

列侯關內侯凡六等以賞軍功後世虛封食邑始此

原注



原注魏書置名號侯爵十八級關內侯爵十八級皆金印紫綬又置關內外侯十六級銅印龜紐墨綬五大夫十五級銅印環紐墨綬皆不食租與舊列侯關內侯凡六等

曹奐咸熙初封建五等

復周公侯伯子男之制而無分土祇限戶食租如漢世云

奉祿

周室之班爵祿天子畿內方千里公侯之國方百里伯七十里子男五十里不能五十里曰附庸皆有其地而食其征公卿大夫士之采地皆在其中故天子之卿受

地視侯大夫受地視伯元士受地視子男皆食其征而不得有其地凡諸侯之卿大夫士以國次受地有差庶人在官祿足以代其耕而已取租以徹與民共豐歉此其大經也秦人罷侯置守凡在官者皆官給祿以祿名多寡等級之高下自諸王子大臣一不得有其地漢興雖因秦制而大封諸侯王大者數十城小者不下萬戶縣皆專地食征於是百官自用秦制制祿諸侯王如周列國矣百官祿制三公大將軍號稱萬石其奉月三百

五十斛中二千石奉月百八十斛二千石奉月百二十  
斛比二千石奉月百斛千石奉月八十斛六百石奉月  
七十斛比六百石奉月五十斛四百石奉月四十五斛  
比四百石奉月四十斛三百石奉月四十斛比三百石  
奉月三十七斛二百石奉月三十斛比二百石奉月二  
十七斛一百石奉月十六斛斗食奉月十一斛佐史奉

月八斛凡諸受奉皆半錢半穀

原注荀綽晉百官表注  
漢延平中二千石奉

月錢九千米七十二斛真二千石月錢六千五百米三  
十六斛比二千石月錢五千米三十四斛千石月錢四

欽定四庫全書

新修通志  
卷八十六上

千米三十斛六百石月錢三千五百米二十一斛四百石月錢二千五百米十五斛三百石月錢二千米十二斛二百石月錢一千米九斛凡中二千石丞比千石百石月錢八百米四斛八斗真二千石丞長史六百石比二千石丞比六百石令相千石丞尉四百石其六百石丞尉三百石長相四百石及三百石丞尉皆二百石諸侯公主家丞秩皆比百石諸邊障塞諸陵校尉長皆二百石有常例者不署秩車服

黃帝初制冠冕衣裳至唐虞而後大備故虞書首載服

章之制曰日月星辰山龍華蟲作會宗彝藻火粉米

黼黻絺繡以五采章施于五色作服

原注自華蟲以  
上六章以五色

會之于衣自黻以上六  
章以五色絺繡之于裳

又曰車服以庸於是君臣上

下各有秩序尊卑明而不敢踰僭而禮制行矣至周而

設官分職典命掌儀則

原注凡宮室車服禮  
儀皆以其命數為節

司服辨冕

服

原注王備六冕祀昊天上帝則大裘而冕享先王則  
衮冕享先公則鷩冕祀山川則毳冕祭社稷則希冕

祭羣祀則玄冕公之服自衮冕而下如王之服侯伯之  
服自鷩冕而下如公之服子男之服自毳冕而下如侯

伯之服孤之服自希冕而下如子男之  
服卿大夫之服自玄冕而下如孤之服

巾車等公車

原注

公猶官也王之五路玉路金路象路革路木路王后五路重翟厭翟安車翟車輦車服車五乘孤乘夏篆卿乘夏綬大夫乘墨車士司常別旗物原注掌九旂日月為乘棧車庶人乘役車常交龍為旂通帛為旌雜帛為物熊虎為旗鳥隼為旟龜蛇為旐全羽為旖析羽為旌聲明有數物采有則

監於二代郁郁乎文故孔子舉四代之制謂乘殷之輅服周之冕言其制之盛也周衰諸侯僭天子大夫僭諸侯陪臣僭大夫下凌上替國自為車人自為服

楚得臣自為瓊弁玉纓

原注左氏傳初楚子玉自為瓊弁玉纓未之服也杜預注弁以

鹿子皮為之瓊玉之別名次之以飾弁及纓

鄭子臧好聚鵠冠

原注鵠尹衡反翠鳥也聚

鵠羽為冠  
非法服

晉太子申生衣公之偏

原注衣左右異色其半似公

管仲

繡黼而丹衣鏤簋而朱紘

原注鄭玄曰此諸侯之禮也繡讀為綃繪名丹朱以為中

衣鏤簋刻而飾之也大夫刻之為龜爾諸侯飾以象天子飾以玉朱紘天子冕之紘也諸侯青組大夫士當緇

組紘季孫意如佩璆璫

原注左氏傳季平子卒陽貨將以璆璫斂仲梁懷弗與曰改步

改玉杜預注璆璫美玉君所佩昭公之出季孫行君事

佩璆璫祭宗廟今定公立復臣位改君步則亦當去璆璫

璫而仲叔于奚繁纓以朝

原注于奚衛大夫繁纓馬

凌

夷至於戰國趙主父乃褫衣冠服胡服

原注史記趙武靈王下胡服令

國中皆胡服招騎射使周招胡服傳王子何  
立以為王是為惠文王武靈王自號主父

二帝三王

之禮制遂大壞矣漢興因周秦列國厖雜之制列為等  
衰代加增賁習以為常遂為漢制終不能改制度易服  
色且史臣不錄於是無徵至范曄始志輿服劉昭為之  
補注掇拾梗槩略見儀矩其詳不可得聞矣

印綬

按虞書輯五瑞班瑞于羣后

原注輯集也五瑞五等諸侯所執之圭

周禮

典瑞掌六瑞皆有繅藉不佩而無綬

原注圭鎮圭公桓圭信圭伯躬圭

子穀璧男蒲璧繅讀為藻率之藻

禮記玉藻一命緼韍幽衡再命赤紱



幽衡三命赤黻蔥衡天子佩白玉而玄組綬公侯佩山

玄玉而朱組綬大夫佩水蒼玉而純組綬世子佩瑜玉

而綦組綬士佩瑀玫而緼組綬有綬與佩玉而無璽

原注

黻一曰鞞又曰鞞鞞又曰帶皆一中前蔽膝也以韋為之緼音溫赤黃色幽與黝同黑色也衡佩上瑀也瑀覆而寫衡橫而平佩之玉也蔥青色組之言阻也阻以約之綬之言受也受以將之純讀為緇瑜美玉也綦文雜色瑀而充反石之濡潤者故印綬之制不經見惟左氏政武中反石之文而美者

傳謂璽書追而與之月令謂固封璽祇言璽而不言綬

則為印章而不佩至秦而始見王御璽及太后璽李斯

琢和氏玉為天子璽秦亡入漢為傳國璽

原注事已始見徐璆傳

始

有佩御璽綬之制漢舊儀云秦以前民皆佩綬金玉銀

銅犀象為方寸璽其文曰某官之章故漢制乘輿赤黃

綬白玉璽太皇太后皇太后皇后皆如乘輿太子則金

璽朱綬諸侯王金璽螭綬長公主貴人與諸侯王同凡

璽皆長一寸二分方六分印亦如之

原注天子璽玉螭虎紐太子龜紐諸

侯王駝紐螭音虎草名其色綠

丞相太尉三公大司馬大將軍諸公列

侯皆金印紫綬

原注徐廣曰相國金印螭綬

凡吏秩比二千石以上

皆銀印青綬光祿大夫無秩比六百石以上皆銅印黑  
綬大夫博士御史謁者郎無其僕射御史治書尚符璽  
者有印綬比二百石以上皆銅印黃綬成帝陽朔二年  
除八百石五百石秩綬和元年長相皆黑綬哀帝建平  
二年復黃綬東漢魏吳至於晉初雖有損益然此其大  
經也

選舉

井田壞封國除鄉舉里選之法廢不復有俊造士

原注周禮

鄉大夫之職各掌其鄉之政教禁令正月之吉受教灋于司徒退而頒之於其鄉吏使各以教其所治以考其德行察其道藝三年則大比而興賢者能者獻賢能之書于王王再拜之登于天府內史貳之禮記王制命鄉論秀士升之司徒曰選士司徒論選士之秀者而升之學曰俊士升於司徒者不征于鄉升於學者不征于司徒曰造士大樂正論造士之秀者以告于王而升諸司馬曰進士司馬辨論官材論進士之賢者以告于王而定其論論定然後官之任官非其材大抵皆法律刑官然後爵之位定然後祿之名刀筆筐篋之徒漢興又多軍功刀筆庶事草創學士大夫類皆不仕高帝十一年詔曰蓋聞王者莫高於周文伯者莫高於齊桓皆待賢人而成名今天下賢者智

能豈特古之人乎患在人主不交故也士奚由進今吾  
以天之靈賢士大夫定有天下以為一家欲其長久世  
世奉宗廟亡絕也賢人已與我共平之矣而不與吾共  
安利之可乎賢士大夫有肯從我游者吾能尊顯之布  
告天下使明知朕意御史大夫昌下相國原注周昌也相國  
鄼侯下諸侯王原注蕭何也御史中執法下郡守原注中執  
法中原注其有意稱明德者必身勸為之駕原注文穎曰有賢者郡守身自  
往勸勉令至京原注遣詣相國府署行義年有而弗言覺免  
師駕車遣之

年老癯病勿遣選舉之法昉此孝文二年詔舉賢良方正能直言極諫者以匡朕之不逮舉賢良始此十五年

詔諸侯公卿郡守舉賢良能直言極諫者上親策之傳

納以言

原注顏師古曰傳讀曰敷敷陳其言而納用之

制詔策士賢良對策始

此孝武建元元年詔丞相御史列侯中二千石諸侯相

舉賢良方正直言極諫之士丞相綰奏賢良或治申商

韓非蘇秦張儀之言亂國請皆罷奏可士始不治異端

一明先王之道有三代之風矣是歲議立明堂遣使以

安車蒲輪束帛加璧徵魯申公公車徵士始此元光元  
年初令郡國舉孝廉各一人郡舉孝廉始此五年徵吏  
民有明當世之務習先聖之術者縣次續食令與計偕  
郡縣進士始此

原注顏師古曰計者上計簿使也令所徵之人與上計者俱來而縣次給之食

元朔元年詔曰公卿大夫所使總方畧壹統類廣教化  
美風俗也夫本仁祖義褒德祿賢勸善刑暴五帝三王

所繇

原注與由同

昌也朕夙興夜寐嘉與宇內之士臻於斯

路故旅耆老復孝敬選豪俊講文學稽參政事祇進民

心深詔執事興廉舉孝庶幾成風紹休聖緒夫十室之邑必有忠信三人並行厥有我師今或至闔郡而不薦

一人是化不下究而積行之君子雍於上聞也

原注雍讀曰壅

二千石官長紀綱人倫將何以佐朕燭幽隱勸元元厲

蒸庶崇鄉黨之訓哉且進賢受上賞蔽賢蒙顯戮古之

道也其與中二千石禮官博士議不舉者罪有司奏議

曰古者諸侯貢士壹適謂之好德

原注服虔曰適得其人

再適謂

之賢賢三適謂之有功迺加九錫

原注事已見諸鼎冊

不貢士一



則黜爵再則黜地三而黜爵地畢矣夫附下罔上者死  
附上罔下者刑與聞國政而無益於民者斥在上位而  
不能進賢者退此所以勸善黜惡也今詔書昭先帝聖  
緒令二千石舉孝廉所以化元元移風易俗也不舉孝  
不奉詔當以不敬論不察廉不勝任也當免奏可責郡  
不舉孝廉始此五年詔曰蓋聞導民以禮風之以樂今  
禮壞樂崩朕甚閔焉故詳延天下方聞之士咸薦諸朝  
其令禮官勸學講議洽聞舉遺興禮以為天下先太常

其議予博士弟子以厲賢材乃為博士置弟子員五十人復其身一歲皆輒課能通一藝以上補文學掌故缺其高第可以為郎中太常籍奏即有秀才異等輒以名

聞太常博士弟子補吏始此

原注儒林傳序昭帝增弟子員滿百人宣帝增倍之

成帝增員三千人平帝時增元士之子得受業如弟子歲課甲科四十人為郎中乙科二十人為太子舍人丙科四十人補文學掌故元狩六年詔舉獨行之君子徵詣行在所

舉獨行始此

原注顏師古曰天子不在京師或出巡狩不可豫定故言行在所

元封五

年以名臣文武欲盡詔曰蓋有非常之功必待非常之

人故馬或奔蹊而致千里

原注蹊蹢也音徒計反

士或有負俗之

累而立功名夫泛駕之馬跣弛之士

原注泛覆也音方勇反字本作曼後

通用耳覆駕者言馬有逸氣而不循軌轍也如淳曰跣音拓弛廢也士行有卓異不入俗檢而見斥逐者也顏

師古曰跣者跣落無檢局也弛者放廢不遵禮度也亦在御之而已其令州郡察

吏民有茂才異等可為將相及使絕國者舉茂才始此

光武中興詔以四科取士一曰德行高妙志節清白二

曰學通行脩經中博士三曰明達法令足以決疑能案

章覆問文中御史四曰剛毅多畧遭事不惑明足以決

材任三輔令皆有孝悌公廉之行自今審四科辟召及  
刺史二千石察茂材尤異孝廉之吏務盡實覈選擇英  
俊賢行廉潔平端於縣邑務授試以職有非其人臨計  
過署不便習官事書疏不端正不如詔書有司奏罪名  
并正舉者又詔令三公舉茂才各一人廉吏各二人廷  
尉大司農各二人光祿歲舉茂才四行各一人察廉吏  
三人中二千石歲察廉吏各一人廷尉大司農各二人  
將兵將軍歲察廉吏各二人監察御史司隸州牧歲舉

茂才各一人順帝陽嘉元年左雄上言請自今孝廉年

不滿四十不得察舉皆請先詣公府諸生試家法

原注所治

經書用一家之學故稱家法

文吏課牋奏副之端門練其虛實以觀

異能有不承科令者正其罪法若有茂才異行自可不

拘年齒帝從之於是濟陰太守胡廣等十餘人皆坐謬

舉免黜惟汝南陳蕃潁川李膺下邳陳球等三十餘人

得拜郎中自是牧守畏慄莫敢輕舉迄於永嘉察選清

平多得其人於是復有舉四行限年之制漢之取士祇

此數路然皆詔書徵公府辟卿將辟州郡辟其辨材任  
官一出君相至其際遇又不拘常制如高帝之賢趙臣  
田叔孟舒等十人盡拜為郡守諸侯相陳豨反則封趙  
子弟英布反則封薛公武帝時主父偃徐樂嚴安俱上  
書言世務書奏上召見三人謂曰公等皆安在何相見  
之晚也皆拜為郎中宣帝時蕭望之上疏帝自在民間  
時聞望之名曰此東海蕭生邪拜為謁者光武即位以  
前高密令卓茂為太傅皆天子所自為識拔於聞見之

際亦曩時耕築漁獵之舉也於是野無遺賢皆得實才  
往往為賢宰相名卿材大夫桓靈之季始有選部尚書  
主銓選官吏遷補授受魏更為吏部至晉而選舉之權  
一歸有司而君相不與格之以法以為常式人材沉滯  
浸歸闕閤無復二漢之世矣故表著漢制以為官人之  
法云

宰相

丞相 太尉  
御史大夫

丞相相國

原注應劭曰丞  
相也相助也

秦官金印紫綬掌相天子理

萬幾宰天下謂之宰相周天官太冢宰也初堯納舜百揆舜以禹有平水土之功命以司空宅百揆乃其職也至伊尹相湯伐桀始為國相湯有天下以太保平天下謂之保衡又曰阿衡仲虺居薛為湯左相以佐伊尹天子始有左右相而右相當國湯崩太甲立伊尹位冢宰百官總已以聽於是冢宰為宰相周有天下太公以太師號尚父相武王周公為太傅召公為太保而為之佐武王崩周公為太師召公為太保相成王為左右而周



公位冢宰正百工居召公右為宰相故自伊周以來皆以三公為宰相及周公作周官謂三公官不必備惟其人乃設虛位不以為職以天官大冢宰長六卿統百官以冢卿為宰相秦次國二卿武王初置丞相樛里疾甘茂為左右丞相丞相之名昉此始皇立以呂不韋為相國相國之名昉此然皆國相非天子宰相及始皇并天下仍置丞相始為天子宰相漢興沛公為漢王以蕭何為丞相曹參為左丞相又為假丞相以韓信為左丞相又

更拜相國亦皆國相非天子宰相及即皇帝位以蕭何  
為丞相始為天子宰相十一年更名相國綠綬惠帝立  
以王陵為右丞相陳平為左丞相後徙平為右丞相審  
食其為左丞相及誅諸呂文帝以周勃為右丞相徙平  
為左丞相二年勃免平頗為丞相置兩長史秩千石原注  
盧植禮注曰自是不復置左右相武帝元狩五年置司  
如周小宰

直一人秩比二千石佐丞相舉不法哀帝元壽二年更  
名大司徒建武因之以三公為宰相終東漢世不置丞

相建安中曹操始自為丞相總統三公掾屬其後以鍾繇為相國罷丞相曹丕篡代復以三公為宰相終魏世昭烈纂承大統以諸葛亮為丞相置長史司直一如舊章孫權稱尊號亦置丞相咸用漢制焉 太尉秦官金

印紫綬

原注應劭曰自上安下曰尉鄭玄注月令曰秦官尚書中候云舜為太尉晉束皙據以為非秦

官非也唐虞時無太尉秦官是也

掌武事秦制凡掌兵者皆曰尉而統

於太尉周夏官大司馬職也漢因秦置位次丞相武帝建元二年省元狩四年置大司馬以冠將軍之號宣帝

地節二年置大司馬不冠將軍無印綬官屬成帝綬和  
元年初賜金印紫綬置官屬祿比丞相去將軍哀帝建  
平二年復去印綬官屬冠將軍如故元壽二年復置印  
綬置官屬去將軍位在司徒上有長史秩千石建武二  
十七年復為太尉與司徒司空為三公終東漢及魏世  
凡四方兵事功課歲終則課最而賞罰之凡郊祀掌獻  
大喪則告諡南郊凡國有大造大疑則與司徒司空論  
定之國有過事則共諫爭之長史一人秩千石主署諸

曹事以佐太尉掾史屬二十四人東西曹掾比四百石

餘掾比三百石屬比二百石

原注漢書音義  
正曰掾副曰屬

西曹主府

史署用東曹主二千石長吏遷除及軍吏戶曹主民戶

祠祀農桑奏曹主奏議事辭曹主辭訟事法曹主郵驛

科程事尉曹主卒徒轉運事賊曹主盜賊事決曹主罪

法事兵曹主兵事金曹主貨幣鹽鐵事倉曹主倉穀事

黃閤主簿錄省衆事令史及御屬二十三人皆百石御

屬主為公御閤下令史主閤下威儀事記室令史主上

章表報書記門令史主府門其餘令史各典曹文書有  
官騎三十人建安中曹操罷為丞相曹不篡代復置如  
漢故別置大司馬省置不常昭烈罷為丞相末帝復為  
大司馬吳既置丞相又置太尉又置大司馬又置司徒  
司空云 御史大夫秦官銀印青綬秩中二千石掌副  
丞相秦因周御史之名而加大夫位上卿漢因之有兩  
丞秩千石一曰中丞在殿中蘭臺掌圖籍秘書外督部  
刺史內領侍御史員十五人受公卿奏事舉劾按章成

帝綏和元年更名大司空金印紫綬比丞相置長史如  
中丞職如故哀帝建平二年復為御史大夫元壽二年  
復為大司空御史中丞更名御史長史武帝時侍御史  
有繡衣直指出討姦猾治大獄不常置

原注服虔曰指  
事而行無阿私

也顏師古曰衣以  
繡者尊寵之也

東漢更為司空去大與太尉司徒為

三公建安中曹操罷為丞相復置御史大夫曹丕篡代  
復為司空昭烈置一相終末帝世不置御史大夫吳置  
丞相三公又置御史大夫云

三公

太師

太傅

太保

太師太傅太保皆古官金印紫綬商書稱師保保衡則

唐虞以還尚矣周公作周官曰立太師太傅太保茲惟

三公論道經邦變理陰陽少師少傅少保曰三孤貳公

弘化寅亮天地始見位任及貳然於六官無職蓋非大

賢盛德不得處其位為天子師臣故曰官不必備惟其

人大賢盛德而處其位必下行冢宰卿事有大賢盛

德而為宰相必上兼師保之位故伯禹以司空宅百揆



伊尹以保衡為冢宰周公以太師正百工權專道重皆

實職而非虛名漢興置丞相無三公官以師傅為太子

官

原注高帝以叔孫通為太子師傅侯行少傅事傳太子

其後以司徒司馬司空為

宰相號稱三公不置師傅平帝元始元年王莽以丞相

孔光為帝太傅位四輔尋徙為太師而莽為太傅始見

師傅然祇虛名而無實職姑以為篡竊之具光死遂不

復置建武初世祖以卓茂為太傅薨則省其後凡帝即

位輒置太傅錄尚書事號稱上公薨則省

原注明帝即位鄧禹為太

傳章帝即位趙熹為太傅和帝即位鄧彪為太傅殤帝即位張禹為太傅北鄉侯即位馮石為太傅順帝即位桓焉為太傅冲帝質帝即位趙峻為太傅靈帝即位陳蕃為太傅蕃誅胡廣為太傅獻帝即位袁隗為太傅

其屬長史一人秩千石掾屬二十四人令史御屬二十

一人

原注御屬如錄事

祇為代典亦無實職初平中董卓遷獻

帝於長安自為太師位太傅上昭烈末帝世不置魏初

以鍾繇為太傅曹芳立以司馬懿為太傅其後又以王

祥鄭冲為太保既置三公官復置保傅至晉初於是有

八公

原注見纂臣傳

位號之奈又非漢世吳以諸葛恪為太傅

又置三公官亦依放漢魏亂制也 司徒公金印紫綬  
周地官大司徒也哀帝元壽二年罷丞相更名大司徒  
與大司馬大司空為三公光武建武二十七年去大與  
太尉司空為三公獻帝建安十三年曹操罷為丞相曹  
丕篡代復置與太尉司空為三公昭烈置丞相以許靖  
為司徒靖薨終末帝世不復置吳與丞相並置以及於  
亡其職依放周官掌人民事凡教化禮義風俗之事則  
議其制建其度申其令凡民事勤惰歲終則課其殿最

而賞罰之凡郊祀掌省牲視濯大喪則奉安梓宮國有大疑大事則與太尉司空論定之長史一人秩千石掾屬三十人令史御屬三十一人建武初置司直督錄諸州十八年省獻帝建安八年復置不屬司徒掌督中都官不領諸州比司隸校尉位其上置從事三人書佐四人司空公金印紫綬周冬官大司空也漢元壽二年罷御史大夫更名大司空光武建武二十七年去大獻帝建安十三年曹操罷為御史大夫曹丕篡代復置掌

水土事凡營城邑浚溝洫修隄防則議其利害凡水土功歲終則課其殿最而賞罰之凡郊祀掌掃除樂器大喪則掌將校復土國有大造大疑與司徒太尉論定之長史一人千石掾屬二十九人令史御屬四十二人

將軍

大將軍 驃騎將軍 車騎將軍 衛將軍 左右諸將軍 使持節都督 雜號將軍

周衰列國各專征伐不隸大司馬不修方伯連率卒正之制各以卿大夫為將帥別三軍為上中下將軍者為元帥位上卿至戰國乃有將軍之號各以本官

冠之不常置漢以來始有位號比公者四大將軍驃騎

將軍車騎將軍衛將軍

原注蔡質漢官儀大將軍驃騎位次丞相車騎衛將軍左右前

後皆金紫位次上卿

皆金印紫綬掌征伐四方又有前後左右及

雜號將軍武帝以衛青為大將軍以大司馬冠之其後

霍光王鳳等皆為大司馬大將軍輔政非常之任在丞

相右東漢以來吳漢以大將軍為大司馬景丹為驃騎

大將軍於是車騎等皆冠大將軍矣末帝以諸葛亮為

丞相其後將琬費禕不居其位祇以大司馬大將軍行

丞相事魏以大司馬大將軍各自為官位三司上吳既  
置大司馬又別置大將軍與魏同魏復別置撫軍都護  
鎮軍中軍四征四鎮四安四平伏波典軍上軍輔國等  
皆冠大將軍殤帝延平元年鄧騭為車騎將軍儀同三  
司儀同之名始此黃權降魏魏以權為車騎將軍開府  
儀同三司開府之名始此其屬長史司馬各一人千石  
長史貳將軍司馬主兵從事中郎二人六百石參謀議  
掾屬二十九人令史御屬三十一人此皆府職也又賜

官騎三十人及鼓吹二十人舍人十人其領軍皆有部曲大將軍營五部部校尉一人比二千石軍司馬一人比千石部下有曲曲有軍候一人比六百石曲下有屯屯長一人比二百石又有軍假司馬假候為副貳其別營領屬為別部司馬門有門候其職吏部集各一人總知營事兵曹掾史主兵事器械稟假掾史主稟假禁司又置外刺刺姦主罪法使持節都督初漢遣使始有持節東漢建武初征伐四方權置督軍御史事竟罷建安中曹



操遣大將軍夏侯惇督二十六軍征孫權大將軍督軍  
始此曹丕黃初三年始置都督諸州軍事或領刺史以  
上軍大將軍曹真都督中外諸事假黃鉞始總統內外  
諸軍曹叡太和四年加司馬懿大都督曹髦正元二年  
司馬昭都督中外諸軍尋加大都督始有大都督之號  
漢昭烈及末帝吳孫氏及晉皆置督有左右諸名號皆  
非漢故制也其屬隨事增制無常員 雜號將軍武帝征  
伐四夷因事置號如樓船下瀨伏波貳師等皆以冠將

卷八十一  
軍昭宣以來增置不一建武中興稱號益衆至昭烈時  
有軍師中軍師等魏吳之號不可勝錄云

欽定四庫全書

續後漢書卷八十六中

元 郝經 撰

錄第四中

職官

九卿

太常 宗正

光祿勳 大司農

衛尉 少府

太僕 廷尉 將作大匠 附

大鴻臚

九卿皆銀印青綬漢初總統於丞相太尉御史大夫其  
後總統於大司徒大司馬大司空建武後太尉司徒司  
空為三公公一人各統三卿太常光祿勳衛尉隸太尉

太僕廷尉大鴻臚隸司徒宗正大司農少府隸司空歷  
魏及晉皆然初堯命九官以水土事殷故伯禹以司空  
居冢宰伯益為虞掌山澤及火政垂共百工分治司空  
事三人合治一職以弭水難棄因水土之平故後禹而  
降播種民有居食禮樂教化為先務故契為司徒敷五  
教伯夷作秩宗典三禮夔典樂諧八音教胄子亦三人  
合治一職以媿氓俗於是兵刑雖設而民不犯故準陶  
作士蠻夷猾夏寇賊姦宄則用典刑而兼司馬司寇之

任其事皆本天子之命以發號施令故其卒以龍為納  
言出納帝命以事之繁簡為實職而總於天子宰相不  
置三公官周公作周官置三公三孤惟其人而不常置  
故無職任置則必以卿兼之亦禹以司空宅百揆意也  
置六卿官冢宰無所不統而司徒掌教宗伯掌禮司馬  
掌政司寇掌刑司空掌土各率其屬以聽冢宰職尤實  
要又簡於九官所以為萬世典則也漢既置師傅為三  
公又以司徒司馬司空為三公又別六卿之職為九卿

又各隸三公光祿勳衛尉典宿衛諸司隸太尉可也太  
常典禮亦隸之司徒掌教且丞相之職而太僕典車馬  
廷尉典刑法鴻臚典賓客而隸之大司農典錢穀少府  
典山澤隸司空可也而宗正典族屬亦隸之其餘復有  
禁衛南北軍等官而不隸衛尉將作大匠典百工而不  
隸司空名實皆紊矣非古命官之意也

太常卿中二千石漢初因秦曰奉常景帝中六年更太

常

原注顏師古曰太常王者旌旗畫日月者王有大事則建以行禮官主奉持之故曰奉常後改太常尊大

之義也

周春官大宗伯也

原注盧植禮注曰如大樂正

掌宗廟禮儀凡

祭祀先奏其禮儀及行事則贊天子選試博士則奏其

能否大射養老大喪則奏其禮儀每月前晦察行陵廟

丞一人比千石

原注盧植禮注曰如小樂正

掌凡行禮及祭祀小事

總署曹事員吏凡八十五人其十二人四科十五人佐

五人假佐十三人百石十五人騎吏九人學事十六人

守學事其署曹掾吏隨事為員諸卿皆然王莽更曰秩

宗建武初復為太常太史令六百石掌天時星厯歲

將終則奏新歲歷凡國祭祀喪娶之事掌奏良日及時  
節禁忌凡國有瑞應災異則記之丞一人靈臺丞一人  
二百石二丞掌守明堂靈臺候日月星氣有太史待詔  
三十七人其六人治歷三人龜卜三人廬宅四人日時  
三人易筮二人典禳九人籍氏許氏典昌氏各三人嘉  
法請雨解事各二人醫二人有靈臺待詔四十二人其  
十四人候星二人候日三人候風十二人候氣三人候  
晷景七人候鍾律一人舍人 博士秦官六百石本四



百石宣帝增秩掌通古今治五經及諸家傳教弟子備

顧問國有疑事則論定之武帝建元五年初置五經博

士宣帝黃龍元年稍增員十二人東漢置祭酒一人六

百石本僕射為諸博士長

原注胡廣曰古禮賓客得主  
人饌則老者一人舉酒以祭

於凡五經家置博士十四人比六百石

原注易四施孟梁丘  
宋氏尚書三歐陽

大小夏侯氏詩三魯齊韓氏禮二  
大小戴氏春秋二公羊嚴顏氏

歷三國晉增多至數

十人太祝令六百石掌祭祀讀祝及送迎神丞一人

掌祝小神事員吏四十一人其二人百石二人斗食二

十二人佐二人學事四人守學事九人有秩祝人百五

十人

謹案後漢書祝人在百五十人下

宰二百四十二人屠六十人

太宰令六百石掌宰工鼎俎饌具之物凡祭祀掌陳饌

具丞一人明堂丞一人員吏四十二人其二人百石二

人斗食二十三人佐九人有秩二人學事四人守學事

宰二百四十二人屠七十三人衛士一十五人 大樂

令六百石

原注盧植禮注曰如小胥

掌伎樂凡祭祀掌請奏樂大饗

用樂則掌其陳序丞一人又協律都尉一人員吏二十

五人其二人百石二人斗食七人佐十人學事四人

守學事樂人八佾舞三百八十人 高廟令六百石守

廟掌按行掃除員吏四人衛士十五人 世祖廟令六

百石如高廟員吏六人衛士二十人 諸帝陵每陵園

令一人六百石掌守陵園按行掃除丞及校長各一人

校長主兵戎盜賊事

原注應劭漢官名曰丞皆選孝廉郎年少薄伐者遷補府長史都官

令每陵食官令各一人六百石丞一人三百石中黃

門八人從官二人掌望晦時節祭祀

右太常屬凡八官舊有太樂太祝太宰太史太卜六

令丞

原注凡曰舊皆西漢舊制也

又均官都水兩長丞又諸廟寢

園食官令長丞又廡太宰太祝令丞五時各一尉又

博士及諸陵縣皆屬焉

原注服虔曰均官主山陵上藁輸入之官也如淳曰都水

治渠隄水門

顏師古曰廡古扶風縣如淳曰五時在雍故特置太宰以下諸官

景帝中六

年更太祝為祠祀武帝太初元年更曰廟祀令一人

後轉屬少府太卜令六百石後省入太史光武省太

宰均官都水雍太祝五時尉凡十官章帝置祀令丞

尋省

光祿勳卿中二千石漢初因秦為郎中令

原注臣瓚曰主郎內諸官

故曰郎中令

武帝太初元年更光祿勳

原注應劭曰光祿勳功也

掌宿

衛宮殿門戶典謁署郎更直執戟宿衛門戶考其德行

而進退之郊祀則掌三獻丞一人比千石員吏四十四

人其十人四科三人百石二人斗食二人佐六人騎吏

八人學事十三人守學事一人官醫衛士八十一人王

莽更司中建武初復為光祿勳大夫本周秦爵漢初有

太中大夫中大夫為侍從官武帝元狩五年初置諫大夫比

八百石太初元年更中大夫為光祿大夫比二千石

原注

漢官曰以其隸光祿勳故以為號太中大夫千石

原注

漢官曰中散大夫六百石

原注漢官曰三十人

皆掌風議顧問應

對無常員凡諸國之喪則掌弔光武更諫大夫為諫議

大夫六百石

原注漢官曰三十人

匡違補闕為天子爭臣亦無常

員郎皆秦官漢因之有五官中郎將比二千石其屬

有五官中郎比六百石五官侍郎比四百石五官郎中

比三百石無常員凡郎官皆主更直執戟宿衛諸殿門出充

車騎議郎六百石與諸大夫論議朝政不在直中

原注蔡質漢儀三署

郎皆光祿勳執板拜見五官左右將執板不拜於三公諸卿無敬漢官曰五十人

左中郎將比二千

石主左署郎有中郎比六百石侍郎比四百石郎中比三百石

無常員右中郎將比二千石主右署郎有中郎比六百石侍

郎比四百石郎中比三百石無常員虎賁中郎將比二千

石周官虎賁氏旅賁氏之職也武帝建元三年置期門比

郎無員多至千人有僕射比千石

原注服虔曰與期門下以微行後遂以名官

平帝元始元年更名虎賁中郎將

原注孔安國曰若虎賁獸言其甚猛蔡質曰舊作虎奔言

如虎之奔王莽以古有猛士孟奔故名

主虎賁宿衛侍從虎賁千五百人左右僕

射左右陞長各一人比六百石僕射主虎賁郎習射陞長主虎

賁朝會在殿中

原注漢官曰陞長銅印墨綬

又有虎賁中郎比六百石虎賁

侍郎比四百石虎賁郎中比三百石節從虎賁比四百石

皆無常員自節從久者轉遷才能高者即至中郎

原注荀綽晉百

官表曰虎賁諸郎皆父死子代

羽林中郎將比二千石

原注顏師古曰言如羽之疾如

林之多一說羽所以為王之羽翼也

主羽林郎宿衛侍從羽林郎比三百石



凡百一十八人武帝太初元年置曰建章營騎選漢陽隴西安定北地上郡西河六郡良家子補更羽林騎以便馬從獵還宿殿陛巖下室中故又號巖郎又取從軍

死事之子孫養羽林官教以五兵

原注五兵弓矢及矛戈戟

號羽林

孤兒宣帝令中郎將騎都尉監之有令丞羽林左監

六百石主羽林左騎丞一人

原注漢官曰孝廉郎作主羽林九百人二監官屬吏

吏皆羽林中  
有材者作

羽林右監六百石主羽林右騎丞一人

奉車都尉比二千石掌御乘輿車駟馬都尉比二

千石掌駙馬 騎都尉比二千石監羽林騎皆無常員

僕射秦官漢因之自侍中尚書博士郎皆有古者重

習武有主射以督課之故曰僕射凡軍屯吏騶宰永巷

宮人皆從所領之事為號

原注軍屯吏則曰軍屯僕射永巷則曰永巷僕射

謁者僕射比千石為謁者臺主謁者天子出奉引 常

侍謁者比六百石五人主殿上持節威儀

原注漢官曰謁者三十人

其二人公府掾六百石持使也

其給事謁者四百石灌謁者郎中比三

百石掌賓贊受事及上章報問將大夫以下喪掌使弔

本員七十人東漢省為三十人初為灌謁者滿歲為給

事謁者

原注荀綽晉百官表注曰漢皆用孝廉年五十威容嚴恪能賓者為之明帝詔曰謁者乃堯之

尊官所以試齊賓於四門四門穆穆者也昔燕太子使荆軻劫始皇變起兩楹之間其後謁者持匕首刺腋高祖偃武行文故易之以板蔡質漢儀曰出府丞長史陵令皆選儀容端正任奉使者

右光祿勳屬凡十七官以職屬者自五官將至羽林

右監七署其餘皆以文屬焉舊有左右曹秩二千石

上殿中主受尚書奏事平省之光武省使小黃門郎

受事車駕出給黃門郎兼有請室令車駕出在前請

所幸徵車迎白示重慎光武以郎兼事訖罷舊郎中  
有車戶騎三將車主左右車將戶主左右戶將騎主  
左右騎將光武省又省羽林令漢末又有四中郎將  
不知何時置靈帝以董卓為東中郎將盧植為北中  
郎將獻帝以曹操為南中郎將尋省光祿勳故秦郎  
中令職掌中郎將是已若諸大夫位次於卿職諫爭  
與謀議論司獻納事參宰相尤為清要乃下比郎署  
同為侍從亦為失實魏晉之際有左右光祿大夫金

印紫綬又有光祿大夫開府品秩第二皆為加官位  
從公為文官公光祿大夫假銀印青綬者品秩第三  
位諸卿上諸公告老者即家拜之復為虛名而無實  
職矣

衛尉卿中二千石秦官掌宮門衛屯兵宮中徼循事

原注

胡廣曰主宮闕之門內  
衛士於周垣下為區廬

景帝初更名中大夫令後元年

復為衛尉丞一人比千石員吏四十一人其九人四科  
二人二百石文學三人百石十二人斗食二人佐十三

人學事一人官醫衛士六十人 公車司馬令六百石

掌宮南闕門凡吏民上章四方貢獻及徵詣公車者丞

尉各一人丞選曉律掌知非法尉主闕門兵禁戒非常

原注胡廣曰諸門部各陳屯夾道其傍當兵以示威武交戰以遮妄出入者

南宮衛士令

六百石掌南宮衛士丞一人 北宮衛士令六百石掌

北宮衛士丞一人 左右都候各一人六百石主劔戟

士徼循宮猶周官司寤士

原注掌夜時以星分夜以詔夜士夜禁樂農行者禁宵行者夜遊者

及天子有所收考

原注蔡質漢儀曰宮中諸有劾奏罪左都候執戟戲車縛送付詔獄在官

大小各付所屬以馬被覆

丞各一人右都候員吏二十二人衛士四

百一十六人左都候員吏二十八人衛士三百八十三

人宮掖門每門司馬一人比千石南宮南屯司馬主

平城門員吏九人衛士百二人北宮門蒼龍司馬主東

門員吏六人衛士四十人玄武司馬主玄武門員吏二

人衛士三十八人北屯司馬主北門員吏二人衛士三

十八人北宮朱爵司馬主南掖門員吏四人衛士百二

十四人東明司馬主東門員吏十三人衛士百八十人

朔平司馬主北門員吏五人衛士百一十七人凡七門  
員吏皆隊長佐凡居宮中者皆有口籍於門之所屬宮  
名兩字為鐵印文符案省符乃內之若外人以事當入  
本官長史為封榮傳其有官位出入令御者言其官

右衛尉屬凡十二官舊公車司馬衛士旅賁三令丞  
衛士三丞又諸屯衛候司馬二十二官又長樂建章  
甘泉衛尉皆掌其宮各以所掌之宮名官職畧同不  
常置光武都雒陽并省外可考者十二官云



太僕卿中二千石周太僕正也秦漢因之

原注應劭曰周穆王置大

御衆僕之長中大夫也

掌輿馬天子每出奏駕上鹵簿用大駕則

執馭丞一人比千石員吏七十人其七人四科一人二百石文學八人百石六人斗食七人佐六人騎吏三人假佐三十一人學事一人官醫初其屬有大廩未央家馬三令各五丞一尉馬苑以羽林郎監領焉考工令六百石主作兵器弓弩刀鎧之屬成則傳執金吾入武庫及主織綬諸雜工左右丞各一人員吏百九人

車府令六百石主乘輿諸車丞一人員吏二十四人  
未央殿令六百石周官校人職也主乘輿及殿中諸馬  
員吏七十人卒騶二十人長樂殿丞一人員吏十五  
人卒騶二十人首蒼苑官田所一人守之丞華殿令六  
百石員吏卒騶同未央

右太僕屬四官舊有兩丞其屬有大殿未央家馬三  
令各五丞一尉

原注顏師古曰家馬主供天子私用非我祀軍國所須

又車府

路鈴騎馬駿馬四令丞

原注鈴音零小馬車曲與也路乘輿諸路車也又龍

馬閑駒橐泉駒駮承華五監長丞

原注如淳曰橐泉廐在橐泉宮下

顏師古曰閑闕養馬之所駒駮出北海中似馬

又邊郡六牧師苑令各三丞

原注顏師古曰漢官儀云牧師諸苑三十六所分置西北邊養馬三十萬

又牧橐昆蹏令

丞

原注蹏古蹄字如淳曰爾雅昆蹏蹏研善升廐者也因以為廐名顏師古曰牧橐牧養橐駝昆蹏名

蹏研者蹄下平也善升廐者謂山形如翫而能升之也

又有中太僕掌皇太后

輿馬不常置武帝太初元年更家馬為桐馬

原注桐徒孔反

應劭曰主乳馬取其汁桐治之味酢可飲

凡二十一官光武省諸廐但置

一廐後置左駿令別主乘輿御馬尋復省後復增置

長樂承華二殿其諸監牧皆省惟漢陽有流馬苑以

羽林郎監領

廷尉卿中二千石秦官周秋官大司寇之職也

原注應劭曰聽

獄實諸朝廷與衆共之兵獄同制故稱廷尉顏師古曰廷平也治獄責平故以為號

掌刑辟平

獄奏當所應凡郡國讞疑罪皆處當以報

原注讞實也

景帝

中六年更大理武帝建元四年復為廷尉哀帝元壽六年復更大理王莽更作士光武復為廷尉有正千石左監一人左平一人皆六百石掌平決詔獄員吏百四十人其

十一人四科十六人二百石廷吏文學十六人百石十三人獄吏二十七人佐二十六人騎吏三十人假佐一人官醫

右廷尉屬凡三官舊有正左右監皆千石宣帝

節三年置左右平皆六百石凡五官光武省右監右平故祇有正左監左平云

大鴻臚卿中二千石周官大行人象胥之職也秦為典

客漢初因之景帝中六年更大行令武帝太初元年更

大鴻臚

原注應劭曰郊廟行禮贊九賓鴻臚傳之也

王莽更曰典樂光武復

為大鴻臚掌諸侯歸義蠻夷郊廟行禮贊導請行事既  
可以命羣司諸王入朝當郊迎典其禮儀及郡國上計  
匡四方來亦屬焉皇子拜王贊授印綬及拜諸侯諸侯  
嗣子及四方夷狄封者奏下鴻臚召拜之王薨則使弔  
之及拜王嗣丞一人比千石員吏五十五人其六人四  
科二人二百石文學六人百石一人斗食十四人佐六  
人騎吏十五人學事五人官醫大行令六百石武帝  
太初元年更行人置主諸郎丞一人員吏四十人治

禮郎主齋祠饗贊九賓員吏四十七人其四人四科五人二百石文學五人百石九人斗食六人佐六人學事十二人守學事

右大鴻臚屬兩官舊有行人譯官別火三令丞

原注漢儀

注別火獄令官主治改火之事

及郡邸長丞

原注顏師古曰主諸郡之邸在京師者

秦

官有典屬國武帝增置屬國都尉成帝省入大鴻臚則共六官光武省譯官別火二令丞及郡邸長丞令郎治郡邸又不復置典屬國故祇有兩官

宗正卿中二千石周官小宗伯掌三族之別以辨親疎其正室皆謂之門子掌其政令晉宦卿之適子而為之田以為公族又宦其餘子亦為餘子其庶子為公行而有公族大夫皆其職也秦漢因之曰宗正

原注應劭曰周成王時彤

伯為宗正顏師古曰為宗伯非宗正

掌序錄王室嫡庶之次及諸宗室親

屬遠近郡國歲因計上宗室名籍若有犯法當髡以上先上宗正宗正以聞乃報決又歲一治諸王世譜差序秩第平帝元始四年更宗伯王莽并其官于秩宗光武



復置宗正丞一人比千石員吏四十一人其六人四科一人二百石

四人百石三人佐六人騎吏二人法家十八人學事一人官醫

諸公主每主家令一人六百石丞一人三百石其餘屬吏增省無常

右宗正屬自本丞佐吏外祇有諸主令丞舊有都司

空令丞

原注如淳曰律司空主水及罪人

內官長丞

原注顏師古曰主分寸尺丈百

官表內官初屬少府中屬主爵後屬宗正

光武皆省公主省尉置丞云

大司農卿中二千石周官天官之屬大府內府司會職

內職歲地官之屬廩人舍人倉人之職也秦為治粟內

史漢初因之景帝後元年更大農令武帝太初元年更大司農掌錢穀金帛諸貨幣郡國四時上月旦見錢穀簿其逋未畢各具別之邊郡諸官諸調度皆報給損多益寡取相給足王莽更曰羲和又更納言光武復為大司農丞一人比千石部丞一人六百石部丞主帑藏員吏百六十四人其十八人四科九人斗食十六人二百石文學二十人百石二十五人佐七十五人學事一人官醫太倉令六百石主受郡國傳漕穀丞一人員吏

九十九人 平準令六百石與導官皆周官春人職也  
主春御米及作乾糒采色丞一人員吏一百九十八  
導官令六百石主春御米作乾糒導擇之丞一人員吏  
百一十二人

右大司農屬三官舊兩丞其屬太倉均輸平準都內

籍田五令丞

原注孟康曰均輸謂諸當輸官者皆令輸其土地所饒平其所在時賈官更于

他處貨之輸者便而官有利

幹官鐵市兩長丞

原注如淳曰幹音筦幹鹽鐵而榷酒

沽也百官表幹官初屬少又郡國諸倉農監都水六府中屬主爵後屬大司農

十五官長丞又武帝置驛粟都尉軍官不常置光武

皆并省祇置太倉等三官其鹽鐵官皆屬郡縣又有廩

犧令六百石掌祭祀犧牲鴈鶩之屬丞一人三百石員

吏四十人其十一人斗食十七人佐七人學事五人

守學事

原注漢官曰皆河南屬縣給吏者

又雒陽市長四百石丞一

人二百石明法補員吏三十六人十三人百石嗇夫

十一人斗食十二人佐

原注漢官曰又有掾掾丞三百石別治中水官主水渠在

馬市東有員吏六人

又滎陽教倉官舊皆屬大司農光武徙屬

河南尹獻帝建安中曹操置典農中郎將比二千石  
典農都尉六百石典農校尉比二千石分主諸州屯  
田倉廩以足軍食不隸大司農

少府卿中二千石周地官山虞林衡川衡澤虞及冬官  
考工之職也秦為少府漢因之掌山海池澤之稅以給  
共養凡中服御諸物衣服寶貨珍膳之屬大司農供軍  
國之用為公用而別供養天子為私用所藏者少故曰  
少府王莽更曰共工光武復為少府丞一人比千石員

吏三十四人其一人四科一人二百石五人百石四人

斗食三人佐六人騎吏十三人學事一人官醫 太官令六

百石掌御飲食左丞甘丞湯官丞果丞各一人左丞主飲食

甘丞主膳具湯官丞主酒果丞主果員吏六十九人衛士三十八

原注荀綽晉百官表注曰漢制太官令秩千石丞四人秩四百石與此不同

太醫令六百石

掌諸醫藥丞方丞各一人藥丞主藥方丞主方員醫二

百九十三人員吏十九人 守宮令六百石主御紙筆

墨及尚書財用諸物及封泥丞一人員吏六十九人

上林苑令六百石主苑中禽獸頗有民居皆主之捕獸  
送太官丞尉各一人員吏五十八人侍中比二千石  
古官黃帝時風后為之周為常伯秦漢為侍中以舊儒  
高德博學者為之掌侍左右贊導衆事顧問應對喻旨  
公卿上殿稱制法駕出則一人參乘佩璽帶劒餘皆騎  
在乘輿後德高者一人為僕射光武更為祭酒無常員  
末帝時凡宮中之事皆委之職任尤重故諸葛亮謂侍  
中侍郎郭攸之等宮中之事事無大小悉以咨之魏晉

置四人後省二人後世遂為真宰相矣給事黃門侍郎六百石秦官與侍中俱筦門下衆事侍從左右給事中關通中外及諸王朝見于殿中引王就坐獻帝初平中置侍中給事黃門侍郎各六人出入禁中省尚書事後去給事黃門為侍中侍郎尋復故散騎常侍秩不可考秦官漢初與中常侍主置騎從乘輿出入禁中無常員先武省散騎而中常侍用宦者曹丕黃初初復置散騎合之于中同

謹案同字  
晉書作司

掌規諫不典事貂璫挿右



騎而散從 給事中秩不可考秦官漢以為加官所加  
或大夫博士議郎位次中常侍魏末又置員外散騎常  
侍散騎侍郎與侍中黃門侍郎共平尚書奏事皆無常  
員 中常侍千石周官天官屬閹人寺人內豎之職也  
宦者為之秦置中常侍漢因之以士人參選皆銀璫左  
貂給事殿省侍從左右贊導內宮衆事顧問應對無常  
員後增秩比二千石高后稱制以張卿為大謁者出入  
卧內受宣詔命武帝時遂主機事光武悉用閹人不復

調它士明帝始置員數中常侍四人小黃門十人和帝時鄭衆為大長秋登宮卿封列侯增置中常侍十人小黃門二十人改以金璫右貂兼領卿署其後立順建桓遂專大柄誅殺大臣錮戮名士卒傾漢祚曹丕篡代官人為官者不得過諸置令為金策著令藏之石室始革漢制云 小黃門六百石宦者無常員掌侍左右受尚書事上在內宮關通中外及中宮以下衆事諸公主及王太妃等有疾則使問之 黃門令六百石宦者主

省中諸宦者丞從丞各一人員吏十八人

原注董巴曰禁門曰黃閣

以中人主之故號曰黃門令

其屬有黃門令郎日暮入對青瑣門拜

名曰夕郎

原注青瑣門在南宮

黃門署長畫室署長玉堂署長各

一人丙署長七人皆四百石黃綬各主宮中別所中

黃門冗從僕射一人六百石宦者主中黃門冗從居則

宿衛直守門戶出則騎從夾乘輿車中黃門比百石

後增比三百石宦者無常員主給事禁中掖庭令

六百石宦者掌後宮貴人采女事吏從官百六十七人

待詔五人員吏十人左右丞暴室丞各一人宦者主中  
婦人疾病者就暴室治皇后貴人有罪下之 永巷令  
六百石宦者典官婢侍使員吏六人吏從官三十四人  
丞一人暴室一人 御府令六百石宦者典官婢作中  
衣服及補浣之屬員吏七人吏從官三十人丞織室丞  
各一人 祠祀令六百石宦者典中小祠祀丞一人從  
官吏八人駙僕射一人家丞八人 鈎盾令六百石宦者  
典諸近池苑園遊觀之處從官吏四十人員吏四十八

人丞永安丞各一人三百石苑中丞果丞鴻池丞南園丞各一人二百石濯龍監直里監各一人四百石

中藏府令六百石掌中幣帛金銀諸貨物員吏十三人官吏六人丞一人內者令六百石掌中布張諸衣物左右從官錄士一人員吏十九人丞各一人尚方令六百石掌上手工作御刀劍諸器物員吏十三人吏從官六人丞一人尚書令千石銅印墨綬唐虞納言喉舌古官也秦為尚書令漢因之武帝用宦者更為中

書謁者令成帝用士人復故凡選署及奏下尚書諸曹

文書衆事

原注蔡質漢儀曰故公為之者朝會不  
陞奏事增秩二千石故自佩銅印墨綬東漢

末職任尤重總統臺省事掌丞相留務故曹操為丞相  
將兵征伐而荀彧為尚書令諸葛亮為丞相將兵征伐  
而蔣琬為尚書令皆佐天子掌留務在端右拜則策命  
之晉初賈充為之置省事吏四人後世遂為真宰相矣  
尚書僕射六百石貳令署尚書事令不在則奏下衆  
事又主封門授廩假錢穀獻帝建安四年分置左右以

榮邵為尚書左僕射後世職任遂重亦為真宰相矣

尚書六人六百石秦官漢武帝初用宦者主中書成帝  
更置尚書四人用士人分為四曹通掌圖書秘記章奏  
又各有典掌常侍曹主丞相御史公卿事二千石曹主  
刺史郡國二千石事民曹主吏民上書事主客曹主外  
國夷狄事成帝又置三公曹主斷獄凡五曹光武以三  
公曹主歲終考課諸州郡事更常侍曹為吏部曹主選  
舉祠祀事民曹主繕修功作鹽池園苑事客曹主護駕

外夷朝賀事二千石曹主辭訟事中都曹主水火盜賊  
事合為六曹令僕二人總統之謂之八座幾務盡在於是  
而政柄下移矣然尚書有曹不以為號靈帝以侍中梁鵠  
為選部尚書始以為曹名曹氏篡代改選部為吏部主  
選部事又有左氏客曹五兵度支凡五曹一令二僕射  
為八座昭烈及末帝因故漢不革孫氏亦然後世六部  
分典諸曹曰吏曰戶曰禮曰兵曰刑曰工同周六卿兼  
唐虞九官漢九卿之職矣左右丞各一人四百石漢



武帝初置尚書郎置丞四人光武省二人惟置左右丞  
掌錄文書期會左丞主吏民章報及騶伯史總典臺中  
紀綱右丞假署印綬及紙筆墨諸財用庫藏與僕射對  
掌授廩假錢穀與左丞無所不統 尚書郎漢舊置四  
人分掌尚書事一人主匈奴單于營部一人主羌夷吏  
民一人主戶口懇田一人主財帛委輸光武分尚書為  
六曹各置六人四百石并左右丞為三十六人主作文書  
起草更直五日于建禮門內初從三署詣臺試守尚書

郎中歲滿稱尚書郎三年稱侍郎至魏有殿中吏部駕部金部虞曹比部南主客祠部度支庫部農部水部儀曹三公倉部民曹二千石中兵外兵都兵別兵考功定課凡二十三郎曹叡青龍二年尚書陳矯奏置都官騎兵凡二十五郎每一郎缺白試諸孝廉能結文案者五人以補之尚書令史十八人二百石曹有三主書後增劇曹三人合二十一人

原注古今注曰永元三年七月增尚書令史員功滿未嘗

犯禁者以補小縣墨綬蔡質曰皆選蘭臺符節上稱簡精練有吏能為之決錄注曰故事尚書郎以令史久缺補之

世祖始改用  
孝廉為郎

凡尚書事有平有領有錄武帝時左右曹諸吏  
分平尚書奏事知樞要者始領尚書事權任猶未重其  
後張安世以車騎將軍霍光以大將軍王鳳以大司馬師  
丹以左將軍並領尚書事章帝以太傳趙憙太尉牟融  
並錄尚書事猶唐虞宅百揆納大麓之職也和帝以太  
尉鄧彪為太傳錄尚書事位上公在三公上自是每帝  
立置太傳錄尚書事古冢宰總已之義也薨輒罷三國  
至晉大臣位望隆重者時為之不常置 中書監及

令漢武帝遊宴後庭用宦者主中書以司馬遷為之謂之中書謁者置令僕射成帝改中書謁者令曰中謁者令罷僕射光武省中謁者令而有中官謁者令建安末曹操為魏王置秘書令典尚書奏事曹丕篡代更為中書置監令以秘書左丞劉放為監右丞孫資為令職任又要于尚書令僕矣中書侍郎曹丕既置中書監令又置通事郎次黃門郎黃門郎已署事過通事乃署名已署入奏為帝省讀書可晉初更曰中書侍郎員四人

秘書監桓帝延熹二年置後省曹操復置令丞曹丕既置  
中書令復置秘書監丞 著作郎周左史也東漢圖籍在  
東觀使名儒著作而未有官曹叡太和中始置著作郎隸  
中書省 符節令六百石為符節臺率主符節事凡遣使  
掌授節周官掌節之職也 尚符璽郎中四人在中主璽  
及虎符竹符之半符節令史掌書 御史中丞千石御史  
大夫之丞也舊別監御史在殿中密舉非法號中執法及  
御史大夫轉為司空因別留中為御史臺率外督剗刺

史內領侍御史受公卿奏事舉劾按章一如御史大夫後又屬少府光武特詔中丞與司隸校尉尚書令會同並專席而坐京師號曰三獨坐建安中復置御史大夫置長史

一人不領中丞

原注蔡質漢儀曰丞故二千石為之或遷侍御史高第執憲中司朝會獨坐內掌蘭

臺督諸州刺史糾察百官出為二千石

侍御史十五人六百石掌察舉非

法受公卿羣吏奏事有違失舉劾之凡郊廟祠祀及大朝會大封拜則二人監威儀有違則劾奏凡有五曹令曹掌律令印曹掌刻印供曹掌齋祠尉馬曹掌廐馬乘

曹掌護駕至魏省置八人

原注蔡質漢儀曰其二人更直執法省中者皆糾察百官督州

郡公法府掾屬高第補之初稱守滿歲拜真出治劇為刺史二千石平遷補令見中丞執板揖

治書

侍御史二人六百石

原注蔡質漢儀曰初宣帝幸宣室選侍御史高第補之

齊居決事令侍御史二人治書侍側後因別置治書侍

御史選明法律者為之凡諸讞疑事掌以法律當其是

非至魏又置治書執法掌奏劾而治書侍御史專掌律

令云

原注胡廣曰冠法冠秩百石有印綬與符節郎共平廷尉奏事罪當輕重

蘭臺令史

掌奏及印工文書後更御史至魏遣二人居殿中伺察

非法曰殿中御史 將作大匠二千石秦曰將作少府

景帝更將作大匠掌修宗廟宮室陵園土木之工并樹

桐梓之屬表道周為林園光武省謁者領之章帝建初

元年復置丞一人六百石左校令一人六百石掌左工

徒丞一人右校令一人六百石掌右工徒丞一人其

屬初有兩丞左右中候石庫

謹案後漢書作石庫此作石庫與前書合

東園

主章左右前後中校七令丞

原注如淳曰章大材也舊將作大匠主材吏名章曹掾顏師

古曰東園主章掌大材以供東園大匠也又主章長丞武帝太初元年更東



園主章為木工成帝陽朔三年省中候及左右前後中校五丞

右少府屬凡三十三官以職屬者自太官至上林四署自侍中至御史皆以文屬焉舊六丞其屬尚書符節太醫太官湯官導官樂府若盧考工室左弋居室

甘泉居室左右司空東織西織東園匠十二官令丞

原注

如淳曰若盧官名藏兵器品令曰若盧郎中二十人主弩射服虔曰若盧詔獄也漢儀注有若盧獄令主治庫兵將相大臣臣瓚曰冬官考工主作器械又

顏師古曰左弋地名東園匠主作陵內器物

都水均官三長丞

原注顏師古曰胞與庖同

又上林中十池監又

中書謁者黃門鈎盾尚方御府永巷內者宦者七官

令丞又諸僕射署長中黃門武帝太初元年更考工

室為考工左弋為飲飛居室為保官甘泉居室為昆

臺永巷為掖廷飲飛掌弋射有九丞兩尉太官七丞

昆臺五丞樂府三丞掖廷八丞宦者七丞鈎盾五丞

武帝元鼎二年置水衡都尉比二千石

原注應劭曰古山林官顏

師古曰衡平也平其稅

掌上林苑有五丞其屬上林均輸御羞

禁園輯濯鍾官技巧六廐辨銅九官令丞

原注如淳曰御羞地

名御宿川也輯濯船官鍾官鑄錢官辨銅分別銅之種類顏師古曰輯音集職也濯直孝反技巧六廐技巧之徒供

六廐者

按技巧六廐兩官非供六廐太僕屬有大廐則天子之都閑廐也此六廐蓋別于上林苑中置

之

又衡官水司空都水農倉又甘泉上林都水七官

長丞上林有八丞十二衛均輸四丞御羞兩丞都水

三丞禁園兩尉甘泉上林四丞成帝河平元年省東

織更西織為織室哀帝綏和二年省樂府王莽更水

衡曰予虞光武中興凡山澤陂池之稅名曰禁錢屬

少府者改屬司農考工轉屬太僕都水屬郡國省水  
衡入少府每立秋軀劉之日輒置事訖省少府本六  
丞省五人省湯官織室令置丞又省上林十池監胞  
人長丞宦者昆臺飲飛三令二十一丞又省水衡屬  
官令長丞尉二十餘人章和以下中官稍廣加嘗藥  
太官御者鈎盾尚方考工別作監皆六百石宦者為  
之轉為兼副或省故錄本官凡魏晉之際夤緣漢官  
省置侈泰者各錄本官下而其秩不可考古天子無

私藏少府乃別收山澤陂池之稅不預于經費以為

私養至列侯飲酎獻黃金少府省之不如法奪爵者

百餘人丞相趙周下獄死

原注李奇曰省視也獻酎祭宗廟時少府視其金多

少丞相坐知金輕不舉下獄死

又甚于求車求金

原注春秋天王使冢父來求車使毛

伯來求金

非惟厲民自養聚財崇侈內窮土木外極兵威

禍幾如秦既以國用為私財于是親臣皆為私人領

于少府地親則勢重勢重則權專權專則位尊尊生

于親理勢則然故侍中中書令尚書令僕射卒皆為

宰相而宦官終制國命至于廢立天子誅殺將相皆出于天子利權之私故漢之亂本皆在少府云將作大匠舊不隸少府少府舊領考工水衡而大匠領百工職任略同故附其後云

欽定四庫全書

續後漢書卷八十六下

元 郝經 撰

錄第四下

職官

京師兵官

執金吾  
北軍中候

城門校尉

中宮官

東宮官

封建

王公主侯

京輔官

司隸校尉  
京兆尹

河南尹

州郡官

刺史  
縣令

郡守

外夷官

京師兵官

執金吾中二千石本秦中尉漢武帝更執金吾掌循徼  
京師宮外戒司非常水火之事月三繞行宮外與衛尉

相表裏禽姦討猾及主兵器吾猶禦也

原注應劭曰執金革以禦非常

顏師古曰金吾鳥名主辟不祥天子出行職主先導故以此鳥名官

丞一人比千石緹騎

二百人員吏二十九人其十四人四科一人二百石文

學三人百石二人斗食十三人佐學事主緹騎緹騎無

秩比吏食奉輿服導從光滿道路羣僚之中最為壯觀

故光武嘆曰仕宦當作執金吾武庫令六百石主兵



器丞一人

右執金吾屬一官舊有兩丞候司馬千人

原註顧師古曰候及

司馬及千人皆官名屬國都尉云有丞候千人西

域都護云司馬候千人

按千人即古千夫長

又

中壘寺互武庫都船四令丞

原注如淳曰漢儀注有寺在都船獄令治水官

也都船武庫有三丞中壘兩尉又式道左右中候丞

及左右京輔都尉丞兵卒皆屬焉寺互初屬少府中

屬主爵後屬中尉光武皆省之祇置丞一人及武庫

令一官初式道左右中候三人六百石車駕出掌在

前清道還持麾至宮門門乃開光武祇置一人又不  
常置每出以郎兼式道候事已罷不復屬金吾

城門校尉比二千石掌京師十二城門屯兵周地官司  
門之職也光武都雒陽亦掌十二門領屯兵授官鍵以  
啓閉國門譏出入不物者司馬一人千石主屯兵每門  
候一人六百石雒陽城正南一門平城門為宮門不置

候置屯司馬北宮門屬衛尉其餘上西門

原注直戍

雍門

原注

西廣陽門

原注直申

津門

原注直未

小苑門開陽門

原注直已

耗門

原注

直辰

中軍門

原注直卯

上東門

原注直寅

穀門

原注直子

夏門

原注直亥

凡十

二門

右城門校尉屬祇十二門官

北軍中候六百石漢初中壘校尉掌北軍壘門內外掌

西域武帝置屯騎校尉掌騎士步兵校尉掌上林苑門屯

兵越騎校尉掌越騎

原注如淳曰越人內附以為騎兵

長水校尉掌長

水宣曲胡騎

原注顏師古曰長水胡名宣曲觀

又有胡騎校尉掌池陽

胡騎不常置

原注顏師古曰胡騎之屯池陽者

射聲校尉掌待詔射聲

士

原注服虔曰工射者也冥冥中聞聲則中之故以為名應劭曰須詔所命而射故曰待詔

虎賁

校尉掌輕車并中壘凡八校尉皆比二千石各有丞司馬光武省中壘置中候胡騎并長水虎賁射聲而中候掌監五營員吏七人大駕鹵簿五校在前各有鼓吹一部屯騎校尉比二千石掌宿衛兵司馬一人千石員吏百二十八人領士七百人越騎校尉比二千石掌宿衛兵司馬一人千石員吏百二十七人領士七百人步兵校尉比二千石初掌上林苑門屯兵後掌宿衛

兵司馬一人千石員吏七十三人領士七百人 長水  
校尉比二千石掌宿衛兵司馬胡騎司馬各一人千石  
主長水宣曲胡騎烏桓騎員吏百五十七人烏桓胡騎  
七百三十六人 射聲校尉比二千石掌宿衛兵司馬  
一人千石員吏百二十九人領士七百人

右北軍中候屬五官靈帝中平五年天下大亂又置  
西園八校尉以小黃門蹇碩為上軍校尉虎賁中郎  
將索紹為中軍校尉屯騎校尉鮑鴻為下軍校尉議

郎曹操為典軍校尉趙融為助軍左校尉馬方為助  
軍右校尉夏牟為左校尉淳于瓊為右校尉皆統于  
蹇碩尋省獻帝建安四年曹操為丞相以曹休為中  
領軍將軍曹丕篡代以休為領軍將軍主五校中壘  
武衛等三營初秦置護軍都尉高祖以陳平為護軍  
中尉其後不置曹操始以韓浩為護軍又改為中護  
軍與中領軍皆置長史司馬曹丕遂置護軍將軍主  
武官選隸領軍後又置中撫軍左右衛將軍又因漢

雜號將軍置驍騎游擊將軍皆中領軍領之

### 中宮官

大長秋二千石皇后卿也

原注顏師古曰秋者收成之時長者恒久之義

本秦

將行景帝更大長秋或用宦者或用士人東漢常用宦者掌奉宣中宮命凡給賜宗親及宗親當謁見者關通之出宮則從丞一人六百石宦者中宮僕千石宦者主馭本曰太僕秩二千石東漢省汰減秩千石中宮謁者令一人六百石中宮謁者三人四百石宦者主報中

章 中宮尚書五人六百石宦者主中宮文書 中宮  
私府令六百石宦者主中藏幣帛諸物裁衣被補浣者  
皆主之丞一人宦者 中宮黃門冗從僕射六百石宦  
者主中黃門冗從其屬有給事中宮侍郎六人宦者比  
尚書郎給事黃門四人宦者比黃門郎給事羽林郎一  
人宦者比羽林將虎賁官騎 中宮署令六百石宦者  
主中宮請署天子數女騎六人丞復道丞各一人宦者  
復道丞主中閣道 中宮藥長四百石宦者



右中宮官屬十二官漢初承秦皇太后皇后置詹事

秩中二千石有丞宦者為之

原注應劭曰詹省也給也

中長秋私

府永巷倉廩祠祀食官令長丞皆屬焉成帝鴻嘉三年省詹事并屬大長秋皇后法駕當出則中謁中宦者職吏權兼詹事奉引訖罷宦者誅後尚書選兼職吏一人奉引訖罷皇后稱長信宮又稱長樂永樂皆置詹事冠以官名曰長信詹事長樂詹事景帝中六年更長信少府平帝元始四年更長樂少府皆宦者

為之位大長秋上其餘職吏皆宦者亦以宮名為號  
員數秩次皆如中宮又有衛尉僕為太僕秩皆二千  
石位少府上崩則省不常置按周官宮官內宰掌書版  
圖之法以治王內之政令以陰禮教六宮以陰禮教  
九嬪以婦職之法教九御正其服禁其奇褻展其功  
緒正后之服位而詔其禮樂之儀中春詔后帥內外  
命婦蠶于北郊以為祭服上春詔后帥六宮之人生  
種稂之種而獻之王內小臣掌王后之命正其服位

后出入則前驅詔后之禮事相九嬪之禮事正內人  
之禮事九嬪掌婦學之法以教九御婦德婦言婦容  
婦功世婦掌祭祀賓客喪紀之事女史掌王后之禮  
職掌內治之貳以詔后治內政逆內宮書內令典婦  
功掌婦式之灋以授嬪婦內人女工之事見諸傳記  
又有傅母姆母為師保之訓雖列國亦有之其職皆  
掌禮教婦德婦功而內宰以大夫為之長不用閹人  
故陰禮修內政治后德盛為天子內助化天下以婦

道太平之政自齊家始雖有姦后妬婦不得逞而莫  
或干與外廷漢之職官于天子少府中常侍而下數  
十百員皆閹人為之熒惑左右典掌機密中宮大長  
秋而下閹官復數十百員典領宮掖宣傳命令供養役使  
猥為家奴不復知有禮教不領于士大夫及皇后臨  
朝稱制雖宰相亦關白于是兼領外廷而倒制國命  
皆亂制也

東宮官

太子太傅中二千石古官掌輔導太子禮如師不領官屬  
太子少傅二千石亦以輔導為職悉主太子官屬員  
吏十三人 率更令千石主庶子舍人更直如光祿  
太子庶子四百石無員如三署中郎 太子舍人二百  
石無員更直宿衛如三署郎中 太子家令千石主倉  
穀飲食如司農少府 太子倉令六百石主倉穀 太  
子食官令六百石主飲食 太子僕千石主車馬 太  
子廄長四百石亦主車馬 太子門大夫二人六百石

比郎將舊有左右戶將別主左右戶直郎東漢省之

太子中庶子五人六百石如侍中 太子洗馬十六人

比六百石

原注百官表作先馬國語句踐親為夫差先馬

如謁者太子出則當

直者在前導威儀 太子樂令六百石主樂舞 太子

中盾四百石主周衛徼循率太子衛率四百石主門衛

士

右東宮屬十六官漢初承秦詹事掌太子家有丞自

率更令諸官皆屬焉後省詹事領于少傅凡初即位

未有太子官屬皆省惟舍人領屬少府立太子則選  
九卿有學術年德尊者為太傅少傅雖不置講讀官  
皆從博士受經待以師傅之禮有三代遺風曹操以  
五官將丕為太子置文學以善詩賦能文章者為之  
始不受經術失教育之道矣孫權稱尊號立子登為  
太子以諸葛恪為左輔張休為右弼顧譚為輔正都  
尉陳表為翼正都尉號稱四友而謝景范慎刁玄羊  
衡等為賓客雖非漢制有足嘉者夫太子天下之本

篤孝敬正心術審學問封殖本原鞏固基圖皆由訓

迪之官潘崇尹環列而楚子不得食熊蹯

原注左氏傳楚子以

商臣為太子既又欲立王子職商臣告其師潘崇崇曰能事諸乎曰不能能行乎曰不能能行大事乎曰能冬十月以宮甲圍成王王請食熊蹯而死弗聽王縊穆王立以其為太子之室與潘崇使為太師且掌環列趙高教刑獄而胡亥不能辨鹿馬

原注漢書賈誼曰秦所尚

者刑罰也使趙高傳胡亥而教之獄所習者非斬剗人則夷人之三族也故胡亥今日即位明日射人指鹿為馬及獄二家令稱智囊而吳楚叛

原注晁錯為太子舍人門

世事見前注

大夫拜太子家令號曰智囊吳楚叛事見前注

賓客進異端而巫蠱起

原注始戾太子



及冠就官上為立博望苑使通賓客從其所好故多以異端進者巫蠱事見前注

立太子置

官屬可不慎哉

封建

皇子封王金璽縑綬郡為國置傅相各一人皆二千石  
傳導王以善禮如師而不臣相如郡守有長史如郡丞  
漢初因項籍故封地廣大王千里有郡數十其職官有  
太傅丞相御史大夫及諸卿官皆如漢廷秩二千石朝  
廷惟置丞相自御史大夫下皆自置景帝滅七國令諸

王不得治民內史治之罷丞相御史大夫諸卿官惟置  
相武帝改內史為京兆尹中尉為執金吾郎中令為光  
祿勳始異王國而王國如故皆朝廷署不得自置成帝  
又省內史令相治民其太傅曰傅中尉比二千石職如  
郡都尉郎中令二千石掌主大夫郎中宿衛如光祿勳  
僕千石主車及馭如太僕治書比六百石如尚書更名  
大夫掌奉使至京師奉璧賀正月及使諸國初持節後  
去節謁者比四百石掌冠掌冠本員十六人後減禮樂

長主樂人衛士長主衛士醫工長主醫藥永巷長宦者  
主宮中婢使祠祀長主祠祀皆比四百石郎中二百石  
無常員

列侯所食縣為侯國承秦爵二十等為徹侯金印紫綬  
以賞有功大者食縣小者食鄉亭後避武帝諱更列侯  
元朔二年諸王得推恩分封子弟亦為列侯舊列侯奉  
朝請在京師者位次三公建武以來惟以功德賜位特  
進者位三公下或曰次車騎將軍下賜位朝廷次五校

尉賜位侍祠侯次大夫其餘以肺腑及公主子孫奉墳墓于京師者隨時朝會位博士議郎下諸王封者受茅土歸以立社稷列侯不受茅土無社稷宮室特進朝侯賀正月則執璧國置相秩各如本縣主治民如令長而不臣納租于侯以戶數為限其家臣置家丞庶子各一人列侯舊有行人洗馬門大夫凡五官建武以來食邑千戶以上置家丞庶子不滿千戶不置悉省餘官關內侯承秦賜爵十九等無分土食在所縣民租以戶數

為限

原注如淳曰列侯出關就國但爵耳其有家累者與之關內之邑食其租

奉朝請非官

得奉朝會請召而已特進諸侯功德優盛朝廷所敬者位特進在三公下其次朝請在九卿下其次侍祠侯其次小國侯以肺腑親公主子孫奉墳墓于京師亦隨時朝見是為佞諸侯三國晉以特進為加官云

公主漢制皇女皆封縣公主儀服同列侯皇姊妹加號長公主儀服同蕃王諸王女皆封鄉亭公主儀服同鄉亭侯章帝惟特封東平憲王蒼琅邪孝王景女為縣公

主其皇女封公主者所生之子襲母封為列侯皆傳國  
于後鄉亭之封則不傳襲續漢志曰諸公主家令一人  
六百石丞一人三百石其餘屬吏省置無常漢官儀曰  
長公主傳一人私府長一人食官一人永巷長一人家  
令一人秩皆六百石各有員吏鄉公傳一人僕一人秩  
皆六百石家丞一人三百石

京輔官

司隸校尉二千石周秋官大司寇之職也武帝征和四

年初置

原注顏師古曰掌徒隸而巡察故曰司隸

持節從中都官徒千二百

人

原注顏師古曰中都官京師諸官府也

捕巫蠱督大姦猾後罷其兵察

三輔三河弘農元帝初元四年去節成帝元延四年省

哀帝綏和二年復置但為司隸冠進賢冠屬大司空比

司直光武復為司隸校尉持節察百官及京師外郡無

所不糾封侯外戚三公以下無尊卑入宮開中道稱使

者每會後到先去從事史十二人都官從事主察舉百

官犯法者功曹從事主州選署及衆事別駕從事校尉

行部則奉引錄衆事簿曹從事主財穀簿書有軍事則置兵曹從事主兵事其餘部郡國從事每郡國各一人主督促文書察舉非法皆州自辟除故通為百石云假佐二十五人主簿錄閣下事省文書門亭長主州正門功曹書佐主選用孝經師主監試經月令師主時節祠祀律令師主平法律簿曹書佐主簿書其餘都官書佐及郡國各有典郡書佐一人各主一郡文書以郡吏補歲滿一更昭烈入蜀以左將軍領司隸校尉及即位以



車騎將軍張飛為之飛薨丞相亮領之

京兆尹二千石初周官內史秦因之掌治京師景帝分置左右內史武帝太初元年更京兆尹屬有長安市尉兩令丞又都水鐵官兩長丞又更左內史為左馮翊治內史左地屬有廩犧令丞尉左都水鐵官雲壘長安四市四長丞初秦主爵中尉掌列侯景帝更都尉武帝太初元年更右扶風治內史右地屬有掌畜令丞都水鐵官廐離尉四長丞與左馮翊京兆尹為三輔其治皆在

長安城中

原注三輔黃圖京兆在尚冠前街東入故中尉府馮翊在太上皇廟西入右扶風在夕陰

街北入故主爵府長安以東為京兆長陵以北為馮翊渭城以西為扶風

皆有兩丞列侯屬

大鴻臚元鼎四年置三輔都尉丞各一人三輔皆秩中二千石丞皆六百石昭烈駐蹕成都以丞相亮領益州牧不置京尹非都也

河南尹二千石主京都特奉朝請光武都雒陽以河南郡為尹三輔陵廟所在不改其號但減其秩與弘農河內同河南尹其丞尉職吏皆如京兆員吏九百二十七

人十二人百石諸縣有秩三十五人官屬掾史五人四部督郵吏部掾二十六人案獄仁恕三人監津渠漕水掾二十五人百石卒吏二百五十人文學守助掾六十人書佐五十人循行二百三十人幹小吏二百三十一人其雒陽令秩千石丞三人四百石孝廉左尉四百石孝廉右尉四百石員吏七百九十六人十三人四百石鄉有秩獄吏五十六人佐吏鄉佐七十七人斗食令史嗇夫假夫五十人官掾史幹小吏二百五十人書佐九十

人循行二百六十人

州郡官

刺史六百石初秦有監御史監諸郡漢初遣丞相史分  
刺州不常置武帝元封五年置十三部刺史州一人掌  
班宣詔令周行郡國省察治政黜陟能否斷理冤獄以  
六條問事非條所問即不省一條強宗豪右田宅踰制  
以強陵弱以衆暴寡二條二千石不奉詔書遵承典制  
倍公向私旁詔守利侵漁百姓聚斂為姦三條二千石

不恤疑獄風厲殺人怒則任刑喜則任賞煩擾苛暴剥  
戮黎庶為百姓所疾山崩石裂妖祥訛言四條二千石  
選置不平苟阿所愛蔽賢寵頑五條二千石子弟怙恃  
榮勢請託所監六條二千石違公下比阿附豪強通行  
貨賂割損政令常以春分行部勸課農桑秋分巡行郡  
國錄囚徒考殿最初歲盡詣京都奏事後因計吏其職  
員與司隸同無都官從事其功曹從事為治中從事成  
帝綏和元年更名牧秩二千石光武復為刺史秩如故

各主一州其一州屬司隸靈帝中平五年復更為州牧  
謹案前漢書哀帝建平二年復為刺史元壽二年復為牧皆在光武以前此但據後漢書耳 部太守  
典州郡兵權任如周方伯三國復為刺史亦皆典兵職  
任與牧同或復置牧與刺史並置

郡守秦官秦除封國為郡郡置守漢因之郡置太守二千石丞一人郡當邊者丞為長吏王國之相亦如之凡  
郡國守相掌治民進賢勸功決訟檢奸常以春行縣勸  
農桑振乏絕秋冬遣無害吏案訊諸囚平其罪法論課

殿最歲盡遣吏上計并舉孝廉秦置郡尉佐守典武職  
甲卒秩比二百石有丞秩六百石景帝中二年更都尉  
武帝又置三輔都尉各一人關都尉一人譏出入邊郡  
置農都尉主屯田殖穀建武六年省諸郡都尉并職太  
守無都試之役并省關都尉安帝以羌戎犯三輔陵園  
乃復置右扶風都尉京兆虎牙都尉皆置諸曹掾史畧  
如公府曹無東西曹有功曹史主選置功勞有五官掾  
署功曹及諸曹事其監屬縣有五部督郵曹掾一人正

門有亭長一人主記室史主錄記書催期會無令史閣下及諸曹各有書佐幹主文書

縣令長皆秦官漢因之大縣署令千石次置長四百石小者置長三百石侯國之相秩次亦如之掌治民顯善勸義禁姦罰惡理訟平賊恤民時務秋冬集課上計于所屬郡國凡縣主蠻夷曰道公主所食湯沐曰國縣萬戶以上為令不滿為長侯國為相皆秦制也丞各一人主署文書典知倉獄尉大縣二人小縣一人主盜賊凡



有賊發主名不立則推索行尋案察姦軌以起端緒各署諸曹掾史畧如郡員五官為廷掾監鄉部春夏為勸農掾秋冬為制度掾凡縣五百以上置鄉三千以上置二鄉五千以上置三鄉萬以上置四鄉鄉置有秩三老游徼有秩郡所署秩百石掌一鄉人鄉小者縣置嗇夫一人皆主知民善惡為役先後知民貧富為賦多少平其差品三老掌教化凡有孝子順孫貞女義婦讓財救患及學士為民法式者皆扁表其門以興善行游徼掌徼巡禁司姦盜又有

鄉伍屬鄉主民收賦稅十里一亭亭有長以禁賊盜百家為里有里魁十家為什五家為伍以相檢察民有善惡以告里魁邊縣有障塞尉主備胡夷犯塞郡有鹽官鐵官工官都水官者隨事廣狹置令長及丞秩次皆如縣道無分土給均本吏凡郡縣有鹽置鹽官主鹽稅有鐵置鐵官主鼓鑄有工置工官主工稅物有河池魚利者置水官主平水收漁稅凡縣均差吏更給之置吏隨事不具縣員外夷官

典屬國二千石秦官掌蠻夷降者武帝元狩三年昆邪

王降

原注昆  
下門反

復增屬國置都尉丞候千人其屬有九譯

令成帝河平元年省入大鴻臚光武復置屬國都尉邊

郡往往置都尉稍有分縣治民比郡四夷國王歸義候

邑長皆有丞比郡縣 西域都護比二千石宣帝地節

二年初置以騎都尉諫大夫使護西域三十六國有副

校尉丞一人司馬候千人各二人元帝初元元年置戊

己校尉秩比六百石丞司馬各一人候五人

原注顏師  
古曰甲乙

欽定四庫全書

卷八十六下

十九

丙子庚辛壬癸皆有正位惟戊已寄治今所置校尉亦無常居故取戊已為名有戊校尉已校尉東漢

省置不常魏黃初中復置尋省使匈奴中郎將比二千石從事二人主南匈奴護烏桓校尉比二千石主烏桓鮮卑護羌校尉比二千石主西羌其掾屬隨事為員皆東漢置魏因之省置不常

議曰天下之治亂莫不本于官制之得失故虞書載舜命官之意以明綱維統體至周公作周官酌六代之中以為典萬世太平之制也及其衰世不遵舊典天下遂

大亂孔子作春秋約而歸之以明周公之意言撥亂世而反之正厯天下太平必用周制而已秦人滅學治皆苟且漢因而不革綱紀遂紊以成亂制是以不能復三代太平之治其最為亂本無宰相大將軍輔政倒制州牧權任太重所以基萬世之亂也古者專任一相舜禹伊傳周公是也故周官大冢宰掌建邦之六典統百官均四海而其屬則宮正宮伯膳庖服食閭寺嬪御諸人一相用事規模宏闊大無不總職任近要親領王之左

右而細無不察故小臣不得間大臣而權任不分天下所以治也漢因秦官高惠文景皆用一相猶有唐虞三代遺意故蕭曹陳周各舉其職卒弭大難安劉氏鎮撫國家幾致刑錯至申屠嘉尚能折鄧通治鼂錯雖天子

命有不得行而佞倖無以賴寵

原注百官表高帝元年蕭何為丞相孝惠二年

何薨曹參為相國五年參薨王陵陳平為左右丞相孝文元年周勃為右丞相三年勃免灌嬰為丞相四年嬰薨張蒼為丞相後二年蒼免申屠嘉為丞相前漢書嘉為人廉直門不受私謁時太中大夫鄧通方愛幸嘉入朝而通居上旁有怠慢之禮嘉曰陛下愛幸羣臣則富貴之至於朝廷之禮不可以不肅上曰君勿言吾私

之罷朝坐府中嘉為檄召通詣丞相府不來且斬通至  
免冠徒跣頓首謝嘉坐自如責曰朝廷者高皇帝之朝  
廷也通小臣戲殿上大不敬當斬吏今行斬之通頓首  
首盡出血不解上度丞相已困通使使持節召通而謝  
丞相曰此吾弄臣君釋之通至為上泣曰丞相幾殺臣  
文帝崩孝景即位鼂錯為內史貴幸用事諸法令多  
所請變更議以過罰侵削諸侯而嘉所言不用疾錯內  
史門東出不便錯更穿一門南出太上皇廟垣也嘉  
以錯穿宗廟垣奏誅錯恐自歸上至朝嘉請誅內史錯  
上曰我使為之罷朝嘉謂長史曰吾悔不先斬錯為錯  
所賣因自景帝殺周亞夫漢始無宰相原注漢書亞夫子  
為父買工官上方  
歐血死  
甲楯五百被可以葬者取庸苦之不與錢庸知其盜買  
縣官器怨而上變告子事連汙亞夫召詣廷尉因不食  
死歐血武帝雖相公孫弘而九卿更進用事使司馬徐嚴

輩持文義詘難之而丞相數詘小臣始得間大臣

原注漢書武帝

元朔五年以公孫弘為丞相封平津侯丞相封侯自弘始嚴助傳上擢助為中大夫後得朱買臣吾丘壽王司馬相如主父偃徐樂嚴安東方朔枚臯膠倉終軍嚴葱奇等並侍左右是時征伐四夷開置邊郡軍旅數發內改制度朝廷多事屢舉賢良文學之士公孫弘起徒步數年至丞相開東閣延賢人與謀議上令助等與大臣辨論中外相應以義理之文大臣數詘及其崇侈數宴後庭潛游別館宦

人始典幾密丞相職任寢輕往往罷免自殺

原注漢書元符五年丞相

李蔡自殺元鼎二年丞相青翟自殺六年丞相趙周下獄死征和二年丞相公孫賀下獄死三年丞相劉屈氂腰斬逮其晚末悔禍田千秋僅得自全至於顧命之際



霍光以奉車都尉金日磾以駙馬都尉受遺詔輔幼主而丞相不與于是光以大司馬大將軍倒制朝政乃廢立天子既定議始令丞相敞署奏

原注霍光楊敞事皆見前注

宣元

之世弘恭石顯險佞熒惑政出中書貢薛韋匡皆為具臣孔光張禹持祿容身朝無宰相禍成外戚許史王馮皆以司馬將軍輔政卒為新莽而西漢亡矣光武中興不置丞相而三公處虛位政歸臺閣大綱不舉復成亂本僅一再傳宦戚並起又甚西京之季而漢遂亡矣魏人

篡代罷丞相置三公官權任仍在中書令監亦無宰相而將軍都督中外諸軍錄尚書總統內外大權司馬氏遂攘奪之矣惟昭烈有志三代始以諸葛亮為丞相位任如伊傅末帝因之復用蔣費以將軍行丞相事內治外攘以小弱加諸强大而國執不衄者猶四十餘年用一相之力也夫封建亦萬世太平之制也有封建之制故能行周官制漢初懲秦復大封建以統郡縣至數十郡方千里與漢廷埒于是有七國之禍强大過制故也

其後稍稍削弱漸與郡縣等九卿更出治郡久其任而增秩賜金郡守治最入為九卿至為丞相均內外重民事于是漢多循吏惠政淹浹深入民心為四百年元氣此漢制之幾于三代者也

原注漢書循吏傳孝宣以為太守吏民之本數變易則下

不安民知其將久不可欺罔迺服從其教化故二千石有治理效輒以璽書勉厲增秩賜金或爵至關內侯公卿缺則選諸所表以次用之故漢世良吏于是為盛稱中興馬黃霸為潁川太守以外寬內明得吏民心戶口歲增治為天下第一賜爵及帛徵為太子太傅遷御史大夫代丙吉為丞相初武帝置部刺

史監都郡守宣布教條亦良法也及靈獻之際更置州

牧同古方伯專制一州數十郡兵民數十百萬名雖為  
牧實戰國之國漢初之大諸侯王也故劉焉殺漢使于  
益州劉表郊祀于荊州袁術僭號于徐州袁紹闚關于  
冀州孫權叨據于揚州曹操篡奪于兗州遂分漢室使  
昭烈奔走不獲塊土日薄桑榆始祀漢于梁益終不能  
還于舊都州牧任重漢所以亡也故曰天下之治亂莫  
不本于官制之得失有國官人者可不慎哉

贊曰代食司師上下相維虔恭厥位力民是治魯是冗

濫匪材曠守時惟素餐蠹弊天牖聖時省官哲王簡僚  
濟濟多士明廷宴朝封建既廢秦官靡革拂經紊聯匪  
彘匪則宜戚廩進夸毗負乘名號日增執重官輕矧夫  
專擅任情署置青紫紛紜無復帝制

謹案職官錄皆本前後漢書百官志叅以晉書  
職官志故所載皆漢一代之制而於三國時官  
制特存其大略爾

